

Handwritten signature or initials in the top right corner.

ԱՐԳԵՅԻՆ

ՅԵՌԵՂԱՆԻՄԻՍԻՅԱՆ ՄԵՍԻՆ

ՄԻ ՔԵՆԻ ԽՕՄԻ

Handwritten number 219 with decorative flourish below it.

МОСКВА.

Типография быв. А. В. Кудрявцевой, Мясницкая д. Сытова.

1882.


Ա.Չ.Գ.ԱՅԻՆ ՅԵՌԱՋԱԿՆԻՄՈՒԹԻՒՒՆ

«Ես եղի զի դուք երթայեցէք և պաշարեր լինեցէք
և պտուղն մեր կացցէ» Յովհ. ԺԵ. 16.

1
396
A

Մեր Ազգի կրթութեան, զարգացման և յառաջադի-
մութեան համար կէս դարէ ի վեր է, որ անխոնջ ջանք
ու անհուն ծախքեր կը լինին, օրէնք, կանոն, հրահանգ և
ծրագիր կը սահմանուին. ուղղութիւններ, դրութիւններ,
կարծիքներ և խորհուրդներ կը հրատարակուին. վէճ, կռիւ,
ամբաստանութիւն, զբաբարութիւն և դատեր կը լինին.
Հին ու նոր իմաստութեամբ և իմաստակութեամբ թեր-
թեր կը լեցուին. ամեն ոք Ազգին օգուան 'ի բերան՝ ու-
զածն ու գիտցածը կը խօսի և կը գրէ. ամեն մարդ յա-
նուն ազգային յառաջադիմութեան գինուած՝ մի
քար կարձակէ. բայց կարևոր տեղը կը հանգչի՞ այն, թէ
չէ՞՝ զարնուելով մի ուրիշ արդէն տեղը դրուած քարի,
իրեն հետ զայն ալ կը զլորէ... և կը վնասէ ազգային յա-
ռաջադիմութեան արդէն խախուտ շէնքին. —նա զայս տես-
նել անգամ չը կամիր:

Սասն թէ, — Ամեն մարդ ազատ է կարծիք յայտնելու:
Մենք տեսանք, որ յանուն ազգասիրութեան, յանուն կրօնի
և եկեղեցւոյ, յանուն ճշմարտութեան շատ կարծիքներ յայտ-



նուեցան. խիստ քիչերն իրենց ցոյց ասւած սկզբան և նպատակին հաւատարիմ կեցան բանիւ և գործով, իսկ շատերն այդ հրապուրիչ անուններն իբր պատրուակ միայն գործածեցին իրենց թաքուն խորհրոց և նպատակաց, որք չօգնեցին ազգին, զի յայտնած կարծիքներն ազգային չէր, այլ օտարօտի, ստոյգ կրօնի աղբիւրէն չէր, այլ քմածին. ճշմարտութիւն չէր, այլ այս պատկառելի անունին տակ ծածկուած՝ ստութիւն, նենգութիւն, կեղծաւոր ու խաբեբայ հնաբքով ազգազաւ մասնութիւն էր, որք չարաչար վնասեցին Ազգին ամեն տեսակ շահուց. բայց ոչ որ չբ կարողացաւ խափանել զանոնք կամ ունայնացնել. մենք ևս այդ մասին մեր տկարութիւնը կը խոստովանիմք:

Ոմանք՝ քաղաքակրթութիւն, լուսաւորութիւն և յառաջադիմութիւն գտնել կարծեցին հանդերձից փոփոխութեան մէջ. սակայն դովաւ քաջալերեցին օտարին նմանելու մոլութիւնը, մտցուցին Ազգին մէջ շոտայութիւնը և լցուցին Ազգին ճոխութիւնը օտարի գողը: Փոխանակ արհեստն ու հանձարը գիտութիւնն ու ճարտարութիւնը մշակելով՝ Ազգին մէջ հնարիչ ու հեղինակ յառաջ բերելու, ստրուկ օրինակողներ և օտարին շահուց յօժարակամ ծառաներ պատրաստեցին:

Այլք յառաջադիմութիւն համարեցին, առանց բարոյական կրթութեան, կանանց անպայման ազատութիւնը և օտարաց հետ համարձակ անխախր յարաբերութիւնը. որով մտցուցին անհամեստութիւն, լքբութիւն, անտնտեսութիւն, այլ ու կնոջ անհաւատարմութիւն: Սառեցուցին ընտանեկան անոյշիկ սէրը, վրդովեցին նորա ցանկալի խաղաղութիւնը, դժուարացուցին և զրուելի արին ամուսնութիւնը՝ եղծելով նորա բարոյականութեան հիմքն եղող սուրբ օրէնքները. զերդատոանի հարազատ կալմութիւնը խտնդարեցին և

այսպէս կանգնեցնելու (սոստումով ձգեցին մարդն ու կինը բարոյական կեղտոտութեան մէջ...: Այժմ կաշխատին այգ-պիսի...ները՝ կոյս մնացած սեղերու և գիւղերու սրբութիւնն ալ պղծել:

Ոմանք՝ վերցնելով ուսումնարանաց մէջէն ազգային Հին գրական լեզուի ուսումը,¹⁾ մեծ յառաջագիմութիւն անել կարծեցին. բայց այդու օտարացուցին Ազգին որդիքը նախնեաց գրականութենէն, մուսացուցին նոցա ոգին, նոցա ազգային, ու բարոյական կեանքը. անծանօթ թողին բուն ազգայնութեան գաղտփարին, զոր նախնեաց գրականութիւնը ուսումնասիրելով կրտսանային, զի նոցա պատմական, բարոյական և կրօնական երկասիրութեանց մէջ միայն կը գտնէին մեր ազգայնութեան կեանքը: Անարգելով Ազգին գրական Հին լեզուն, անարգեցին իւրեանց ծագումն ու գոյութիւնը. սառեցնելով անտի, սառեցուցին եկեղեցիէն և զրկեցին նորա բարերար ազգեցութենէն:

¹⁾ Արկ կը համարիմք ասել, որ մեք գրաբարն հասարակաց գործածական լեզու շինելու խորհողաց կարգէն շնք, զի գիտենք դորա անիրագործութիւնը, գիտենք, որ ոչ մի ժամանակ ալ այնպէս եղած չէ, այլ իբրև միութիւն պահող կանոնաւորուած լեզու՝ գրականութեան և պաշտօնական դիւաններու մէջ գործածուած ու բոլոր տարածայն լեզուաց մէջ ամենուն հասկանալի միակ լեզուն եղած է: Մեք հաստատ համոզմամբ կը ճանչնամք գրաբարի ուսման կարևորութիւնը ազգային յառաջագիմութեան գործոյն մէջ, և կը ցանկամք, որ եթէ հնար է, Ազգին բոլոր անդամներն ընտելանային գրաբարին, ոչ թէ գործածելու համար, իբրև հասարակաց լեզու. այլ իբրև ազգին մէկ սեպհականութիւնը և նորա գրականութեան աղբիւրը և ներկայ գործածական աշխարհաբարի մայրը, սովորելու և հասկանալու համար: Այս կը յաջողի մանկութեան օրէն գիւրին ոճով և հնարքով հաշտեցնել նորա հետ սիրցնել և կամաց կամաց վարժեցնելով:

Ոմանք, գիտութեամբ կամ յանդէտս, օտարի շահուն ծառայելով՝ Ազգութիւնը եկեղեցիէն բաժանեցին, հաւտացնելով թէ ազգութեան մեծ ծառայութիւն արին. սակայն իրօք անտարբերութիւնը ծառայեցին, Ազգին բաժանման օգնեցին և օտարաց շահը մշակեցին, մինչդեռ քաջ գիտէին, որ մեր եկեղեցւոյ ոգին բոլորովին մարդասիրական է, չի ստեր ոչ մի ազգ և կրօն, քանի որ նոքա մեզ չեն ստեր ու զրպարտեր: Այնպիսի գիպաց մէջ իսկ իւր զէնքը միայն պաշտպանողական է: Մինչդեռ քաջ գիտէին, որ այսօր միայն Հայոց եկեղեցին մնացած է եղբայրասէր, ներողամիտ ոգւով և խղճի ազատութիւնը յարգող, բայց երբ իրմէ բաժանեալներն կամ օտարը չարութեամբ զրպարտութեամբ և թշնամութեամբ կը մօտենան իրեն, այն ստեն նա պարտաւորութիւն կզգայ պաշտպանել ճշմարտութիւնը. այս անելով թշնամութիւն արած չի լինիր: Այս ամենը քաջ գիտնալով կրօնքն ազգութենէն բաժան քարոզողք, ամեն հնար ու ճիգ կը թափեն Ազգայնութիւնը ջնջել զոր Հայը միայն եկեղեցիովն ու իւր սեփական ազգային կրօնի դրութեամբն ունի, իսկ օտարին յարելով՝ կօտարանոց և կը քայքայուի Ազգայնութիւնը...:

Շատ ուրիշներ ալ եկեղեցականաց պակասութիւնը հրապարակաւ խայտառակելով և շարունակ զանոնք ընդհանրապէս անուանարկելով՝ կարծեցին թէ արդէն յառաջագիմութեան մէջ կը գտնուին. սակայն ներհակաբար, այդու յառաջագիմութեան գործը դժուարացուցին. զի նորա կարևոր մշակներու ձեռքերը լքուցին. ընդհանրապէս կոտրելով հասարակութեան առջև նոցա պատիւը, անարգուեցան և սակաւաթիւ լաւերն ևս. կորուսանելով պատշաճաւոր յարգանքն ու ակնածութիւնը, կորուսին և կարևոր ազդեցութիւննին և եզան ոչինչ. իսկ Ազգը կրեց, դեռ կը կրէ

և տակաւին պիտի կրէ այս անխոհեմութեան դառն հետեւանքներն:

Ա էրջապէս կարճ խօսքով, ամեն մարդ — լուսաւորութիւն, կրթութիւն և յառաջադիմութիւն՝ ասելով՝ հասկացաւ այն բանը, ինչ որ ինքն կը ցանկար, ինչոր իւր կիրքն ու հանձնչքը թելադրեցին, ինչ որ օտարի ներգործութիւնը կամ մասնաւոր մի նկատումն շարժեց իւր զգացումն ու խորհուրդը. ամեն ոք կարծեց կամ կարծեցնել ուղեց թէ իւր կարծիքն ու առաջարկութիւնքը պատշաճաւոր քարեր են ազգային յառաջադիմութեան մեծ ու կարևոր շէնքը բարձրացնելու, սակայն աւելի պտտճառ դարձաւ շինուածը քանդելու, շինութիւնը խափանելու և ոչ ինչ չը շինելու. ճարտար շինողներն ալ, որ պակաս չէին, անգործութեան և յուսահատութեան մասնեցին: Ահա այսպէս ուղղակի և անուղղակի օտարին գաղանի, նենգաւոր և ազգակուլ նպատակին ծառայեցին. փոխանակ ազգին օգնելու, նորա թշնամեաց շահուն նպաստեցին:

Այս ամենը տեսնելով և հաւատալով որ մեզ ևս շնորհուած է կարծիք յայտնելու ազատութիւնը, այս անգամ ևս գրել կը համարձակիմք մեր խորհածը սուրբ զգացմամբ, նպատակ ունենալով միայն բուն մեր Ազգին սեպհական յառաջադիմութիւնը և նորա օգտին ցանկանալով: Աւ որպէս զի կարելի եղածին չափ համառօտ խօսելով նպատակս հասկանալի անել կարողանամ, կը բաժնեմ խօսքս իրարմէ կախումն ունեցող հինգ մասերու:

Ա. — Ակեղեցականութեան լքեալ վիճակը:

Բ. — Ակեղեցականութեան կոչումն ու պարագը և սոցա զանցառութեան հետեւանքը:

Գ. — Գասախարակութեան համար մեր նախնեաց սահմանած կանոնը:

Պ. — Անիշխանութիւն:

Ե. — Իմ ներքին համոզումն ու հաւասար:

Այս մասերու վերայ կը խօսիմք առ այժմ խիստ համառօտ, բայց նախ կը խնդրեմք խոնարհաբար ամեն անոնցմէ, որ այսպիսի խնդրոց գործադրութեան պաշտօն և ձեռնհասութիւն ունին, որպէս զի շնորհք անեն ուշադրութիւն դարձնելով հոգ տանելու և չը թողուն, որ մինչ-ցարդ խօսուած ու գրուածներուն պէս, այս ևս աննկատ և ապարդիւն անցնի ու կորչի մօռացութեան անդունդին մէջ: Արկրորդ կարեկից սիրով կ'ազաչեմք և կը խնդրեմք ընդհանուր այ հասարակութիւնէն, որ մտադրութեամբ կարդալով մէր խօսքերը, գոնէ այսուհետեւ հոգ տանի բարեկարգութիւնն իւր մէջէն սկսելու և նպաստէ ազգային յառաջադիմութեան: Այնպէս և Աշխարհական, անդամք են Ազգին, ուստի և մի մարմին կը կազմեն, ուրիմն անհրաժեշտ հարկ է այդ մարմնոց հիւանդ անդամները նախ բուժել, որ ամբողջ մարմինն առողջանայ ու կազմուի: Այս դարմանատրութեան մէջ պարտական են բոլոր անդամներն օգնութեան հասնել չիւանդ անդամն որչափ պիտանի է, այնչափ մեծ ու հիմնական խնամոց պէտք ունի: Այնպէս անուշադրութիւնը Ազգին ամենակարեւոր անդամներէն մին է, և սակայն նա փասնգաւոր հիւանդ է, օգնութեան կարօտ է, խոշտանգել, հարուածել և անարգել չօգնելէ զատ, ցաւն աւելի կը սաստկացնէ. երեսէ ձգելը օգուտ չաներ, բժշկել պէտք է, բժշկելու պայմաններուն մեծազոյն մասը ժողովուրդի ձեռքն է, գործադրել պէտք է.

Ե.

Ն կ ե ղ ե ց ա կ ան ու թ ե ան լ ք ե ա լ վ ի ճ ա կ ր

Ն կ ե ղ ե ց ա կ ան ու թ իւ ն ր ը ն կ ա ծ է այ ս օ ր իւ ր բ ար ձ ր ու թ իւ ն է ն է ն և կ օ ր ու ս ա ծ է իւ ր վ ս ե մ ն շ ա ն ն ա կ ու թ իւ ն ր, վ ա ս ն զ ի լ ք ե ա լ է ա մ է ն կ օ ղ մ է ն: Ն կ ե ղ ե ց ա կ ան ու թ ե ան ան կ ե ա լ վ ի ճ ա կ ի ն վ ի ր այ ե ր կ ար խ օ ս ե լ ու պ է տ ք չ ու ն ի ն ք, զ ի ոչ ոք կ ու ր ա մ ն այ ղ այ ս. ա մ է ն բ ե ր ա ն կ ր խ օ ս տ օ վ ա ն ի, ա մ է ն մ ար զ այ ս մ ա ս ի ն կ ր խ օ ս ի, կ ր ց աւ ի, կ ր դ ան գ ա տ ի և բ ար ե կ ար գ ու թ իւ ն կ ր տ ր ա ճ ան ջ է, բ այ ց լ ս օ ղ, դ ար մ ա ն ր խ օ ր ճ ո ղ և կ ան ը ն ե ց օ ղ չ ր կ այ, վ ա ս ն զ ի լ ք ու ա ծ, ե ր ե ս է ձ գ ու ա ծ է ե կ ե ղ ե ց ա կ ան ու թ իւ ն ր լ ք ու ա ծ է ի ն ք ն ի ր մ է ն, լ ք ու ա ծ է և ժ ո ղ օ վ ու ր զ է ն:

Ոչ մի դարու մէջ ընդհանուր եկեղեցականութեան վերայ այս չափ անարգանք և նախատինք թափուած չէ, որչափ մեր ժամանակը. սակայն և ոչ մի ժամանակ այնչափ զեղծումն չէ տեսնուած, որչափ կը տեսնուի այսօր ու գնալով կաւելնայ. —ինչո՞ւ.— վասն զի անդարման լքեալ թողուած է, ոչ եկեղեցականութիւնն ինքն զինքը կը դարմանէ և ոչ ժողովուրդը հոգ կը տանի: Թէպէտ շատ անգամ հրատարակի մէջ ընդհանուրի և մասնաւորաց, ուղղակի և կողմնակի շատ խրատ ու յոնդիմանութիւն տուին, անարգանք ու նախատինք տեղացին. իսկ առանձինն բովանդակ ժողովուրդն իւրեանց մէջ եկեղեցականութիւնը բամբասանաց առարկայ շինած. կը խօսին, և ասով ուշադրութիւն դարձուցած և դարմանել կարծած են, բայց ոչ, այդ իսկ երեսէ ձգած լինելուն նշանն է. զի այդ եղանակը

չօգնելէ վաս չարաչար վնասեց. զի կանգնեցնել չէ այդ, այլ կործանել, զի հարուածող շատ, բայց ձեռք բռնող օգնող չը կայ. ուստի մնաց նա իւր անկման մէջ, ախար ճարակեցաւ, մտիներն համարձակութիւն գտան աներկիւղ շարունակելու իրենց մօլութիւնները և շատ հեռուողներ ունեցան, իսկ սակաւաթիւ լաւերը կտորած սրտով փշրած ազգեցութեամբ մի բան անել չը կարողանալով, քաշուեցան մի կողմ, ցաւելով ու ողբալով անցուցին իրենց օրերը. հետզհետէ նոքա պակսեցան և նոցա չը յաջորդեցին լաւագոյնք, վախնալով իրենց պատիւէն: Համայն և այնպէս բնաւ մէկը փոյթ չը տարաւ իսկապէս դարման անելու. այլ գրէ թէ ամեն ոք, թէ յանգետս և թէ զխուութեամբ, գործեցին ՚ի նպաստ եկեղեցականութեան անկման, որով հասաւ այս օրուան վերջին աստիճան ախուր ու սարսափելի վիճակին. անդարման լքեալ կը մնայ և օր ըստ օրէ խիստ ծանր ու վտանգաւոր գործողութեան—անդամատութեան—կը կարօտի....:

Սկեղեցականութեան անկման հեռուանքն եղաւ ժողովրդեան սառնութիւնն ու արհամարհանքը. սառելով եկեղեցականութիւնէ՝ սառեցաւ և եկեղեցիէն, կրօնքէն և ճրջմարիտ բարոյականութենէն. եղաւ խաղալիկ իւր կրից և ամեն օտար փարզապետութեանից շարժող հողմերուն. իսկ աստի հետեւեցաւ անկարգութիւն, անհնազանդութիւն, բաժանումն և վտանգ ազգային ամբողջութեան, նորա կենսական շահուց և յառաջադիմութեան:

Հասերուն հետ մենք ալ եկեղեցականութեան պատուոյն նախանձախնդիր լինելով ամեն առթիւ իբրև ճրջմարիտ բարեկամ թէ ուղղակի իրենց հետ խօսելով վտանգն յայանած և զգուշութիւն խնդրած եմք, թէ շատ անգամ հրատարակած եմք և թէ մասնաւորապէս երբեմն բարձր-

աստիճան եկեղեցական շարք նամակաւ դիմած եմք, ցոյց տուած եմք վերքի վտանգաւոր դրութիւնը և աղերսանօք խնդրած եմք դարմանը: Բայց զժբաղդաբար այսօր ոչ մի խնդիր, ոչ մի այլ առաջարկ այնպէս անուշադիր չանցնիր, անգործադրելի չի մնար, որչափ եկեղեցականութիւնը բարեկարգելու խնդիրը. միշտ ապարդիւն մնացին ինչպէս շատերու պատուական խօսքերն ու խոհական խորհուրդները, նոյնպէս անլսելի մնացին և մեր տկար խօսքերն ու սրտագին պաղատանքներն: Սակայն մեք և մեզ հետ շատերը այս խնդրոյն մէջ կը տեսնեմք ժողովրդեան անկումն ու կանգնումը. խանգարումն ու կազմութիւնը, մոլորութիւնն ու ուղղութիւնը, շփոթութիւնն ու բարեկարգութիւնը. ուրեմն և այս խնդիրը մեր ազգի յառաջադիմութեան համար կենաց և մահու խնդիր է: Այլ մի բան այնքան նախնական մտադրութեան և դարմանի ստիպողականութիւն չունի, սչափ եկեղեցականութիւնը: Այո՛, կը կրկնեմք, լքուած է եկեղեցականութիւնը, ուշադրութիւն կուզէ. պէտք է սթափիլ, գոտիներ պնդել, ճրագներ վառել, ջանալ տընիլ, այս ցաւը փութապէս դարմանել. փոյթեռանդն հոգ ու խնամք պէտք է. ամեն զգուշութիւնք ձեռք առնելով հարկ է բուժել պայն. իւր կորուսած բնական առողջութեան դարձնել. պէտք է բարձրացնել այն տեղ, որ տեղէն գլորած անկեալ կը մնայ. պէտք չէ թողուլ անտես և լքեալ վիճակի մէջ: շիւանդն անդարման թողուլ կը նշանակէ ախտն յառաջացնել, ապականել հիւանդ անդամը. իսկ մէկ անդամի ապականութիւնը բոլորին ալ ապականութիւն և մահ կը պատճառէ: Այս վտանգին մէջ է Ազգը զրէ թէ, այս վերջին վտանգէն աղատելու համար գոնէ մի գործնական դարմանի ձեռնարկեցէք: շերիք խօսուեցաւ. մինչև ցարդ խօսուածներն բաւականէն աւելի

յայտնեցին վտանգը և աւելի վտանգեցին. խօսքը մարմնացուցէք, կոչեցէք այս սուրբ պաշտօնին զխաակից, պարտաճանաչ գործունեայ անձեր, որ կարողանան եկեղեցականութիւնը իւր նշանակութեան դարձնել:

Բ.

Եկեղեցականութեան կոչումն ու պարտքը: Սոցա զանց առութեան հետեւանքը:

Մեծ է եկեղեցականութեան կոչումը, մեծ է և նորա պարտքը. ինչ որ է մարմնոյ մէջ հոգին, այն է և ժողովրդեան մէջ եկեղեցականը, ինչ արամազրութեան մէջ գտնուի հոգին, այնպէս կը գործէ մարմինը, ինչ աստիճան բարոյական արժանեաց մէջ է եկեղեցականութիւնը, այնպէս կը զարգանայ և ժողովուրդը. վստահութեան արժանի կարող ու ազգեցութիւն ունեցող մի եկեղեցականի քիչ ժամանակի մէջ արածը, չեն կարող շատ աշխարհականք երկար ժամանակի մէջ յաջողցնել, նոյնպէս և հակադարձը, մի փնասակար անարժան եկեղեցականի աւերածը չեն կարող շատ մարդիկ ուղղել, երկար ժամանակուան փորձը զայս ապացուցած է: Բայց մի գլխաւոր նկատելու արժանի հարց կայ, որուն մեծ ուշադրութիւն դարձնել պէտք է:— Մեր եկեղեցականութիւնը ժողովրդէն յառաջ կուգայ, որոշ ցեղապետութիւն կամ ժառանգական սեպհականութիւն չէ, առանձին մարմին կամ խումբ չի կազմեր, այլ բոլորովին ժողովրդական է. աստի մի դժուարութիւն կը ծագի

գիտնալ թէ, արդեօք նախ ժողովուրդը պատրաստուած պէտք է լինի, որ եկեղեցական տայ, թէ եկեղեցական պատրաստելու է, որ ժողովուրդը կազմէ և բարեկարգէ:— Մեք զայդ վերջը կը պարզեմք:

Եկեղեցականութիւնը Աստուծոյ պաշտօնէութիւն է, նորա կոչումն է անձնուէր յօժարակամ ինքնագոհութեամբ աշխատել ժողովուրդեան մտաւոր և բարոյական զարգացման. ծառայել մարդուն ազնուագոյն մասին, անմահ հոգեոյն. կազմել պատրաստել Աստուծոյ որդիներ և ընծայել Աստուծոյ:— Մե՛ ծ գործ, վե՛՛մ կոչումն:—

Վրիստոսի Տեառն մերոյ բազմաթիւ պատուէրներէն ու օրինակներէն զատ, այս խօսքը, թէ. «Աս եղի զձեզ զե դուք երթայցէք և պողաբեր լինիցիք և պտուղն ձեր կացցէ», միայն այս խօսքը բաւական է եկեղեցականին ցոյց տալ իւր կոչումը և գծել նորա պարտականութիւնը:— Աս, արարածոց Տէրս, — եդի զձեզ որոշեցի, կոչեցի և հաստատեցի մի գործի, մի պաշտօնի վերայ. — որ դուք, պաշտօնեայքդ գործաւորքդ. — երթայք, արի արթուն և ժիր աշխատիք, գործէք անխոնջ՝ այս պաշտօնի պահանջման համեմատ, և — պողաբեր լինիք, արդիւնք տայք, ինչ պիտին ես կը պահանջեմ, ինչ որ ինձ արժանաւոր է և ինչ պտուղ որ ես կը սիրեմ և կախորժիմ. — և ձեր պրտուղը մնայ, չը փճանայ, տեէ, մշտնջենաւոր լինի, յաւիտեան պահուի:

Ահա այս խօսքերէն կը հասկացուի պարզ, որ նախ, եկեղեցականութիւնը մի պաշտօնէութիւն է, ուրեմն պարտաւոր է իւր այս պաշտօնի նշանակութիւնն ու պահանջմունքները սովորի, գիտնայ և ապա իւր պաշտօնի գլուխն անցնի: Արկրորդ, կը հասկացուի, որ զինքն հաստատող Տէր մի կայ, ուրկէ նա կախումն ունի և նմա հաշիւ պի-

տի տայ, ուրեմն հարկ է այդ Տիրոջ կամքն ու յօժարութիւնքը զխանալ. հպատակել նորա կամաց և հրամանաց զիտակցարար և յօժարութեամբ: Արրորդ, գործել, աշխատել հաստատուն պտուղներ բերելու համար, անդադար ջանք չը խնայել առանց որ և է նիւթական ակնկալութեան. այլ միայն իւր ընդունած պաշտօնը հաւատարմութեամբ կատարել ամենայն զոհաբերութեամբ, իրեն աւանդուածն անկորուստ և անաղարտ պահել, օտարաձայն և սուտանուն ուսումներով ու վարդապետութեամբ չը դանդաջել և չը գայթակղել, զինքը դնող, հաստատող տիրոջ միայն հաճելի լինել. իսկ տիրոջ կամքն է, որ մարդիկ բարի ու կատարեալ լինին, ինչպէս ինքը կատարեալ է: Աւրեմն կոչուած է եկեղեցականութիւնը յանուն յաւիտենականին հրաւիրել և պատրաստել զմարդիկ ՚ի բարութիւն և ՚ի կատարելութիւն, միացնել միակ բարոյն և կատարեալին հետ. նուիրել Աստուծոյ՝ ինչպէս մի հաճոյական և ցանկալի պտուղ, այս չա փ մեծ է ահա եկեղեցականութեան կոչումը, վասնզի մեծ է և նորա կոչողը:

Այս կոչման վերայ խորհելով՝ մեք կը գտնեմք իսկոյն և նորա պարապանութիւնքը, որք են. նախ, Հմտութիւն սուրբ գրոց, ուր պիտի սովորի Աստուծոյ կամքը և լուսաւոր ու հեղ հաւատքով միացնէ իրեն կամքը նորա հետ: Վիտութիւն կարգաց, կանոնաց և օրինաց եկեղեցւոյ, որով պիտի կառավարէ ժողովուրդը և պահէ կարգ, միութիւն և ուղղութիւն ամեն բանի մէջ: Արկրորդ, պարտաւոր է լինել ժուժկալ, ասկան, աշխատասէր, սուրբ, ամեն առաքինութեամբ զարդարուած և երկար փորձառութեամբ ունակացած, որ կարողանայ միշտ գործել, անաչառ խօսել և բարի օրինակ դառնալ ժողովրդեան: Արրորդ, ճշմարիտ վկայութիւն ունենալու է թէ իւր

խղճէն և թէ ժողովուրդէն, որպէս զի ազգել և ուզղել կարողանայ: Չորրորդ, պէտք է լինի անշահասէր, արդար և կատարեալ ճշմարտութիւն, որպէս զի վստահութիւն և հաւատք ներշնչէ ժողովուրդեան: Անգերորդ, քաղցրութեամբ դիւրնդել և համեստ ծանրութեամբ պատկառելի պէտք է լինի, որ տկարութիւնները տեսնել, խմանալ, դարմանել, զօրացնել և հաստատել կարողանայ: Անցերորդ, հեզ, համբերող և դաստիարակութեան ոգի ունենալու է, որ ժողովուրդը կրթէ և նոցա որպէս ուսման և ուղիղ դաստիարակութեան հոգ տանի, մտաւոր զարգացմամբ աստիճանաբար բարձրացնելով զանոնք՝ ընդունակ առնէ այլ և այլ ուսմանց, յարմարացնէ զանոնք իրենց նախախնամական վիճակին և կոչման, պիտանի և օգտակար անդամ շինէ մարդկային ընկերութեան:

Իսկ այն եկեղեցականները, որք առանձնակեաց ամուրի վիճակը ընտրած են, իրաւունք չունին քաղաքի, գիւղի կամ ընտանեաց մէջ բնակութիւն հաստատել արգելուած է նոցա համար ամեն անձնական սեպհականութիւն, ինչք, կալուածք և որեւիցէ մի բան, որ կարող է արգելք դառնալ իւրեանց պաշտօնը, պարտքը կատարելու: Առջա պէտք է մի յատուկ կեդրոնի կամ միաբանութեան պատկանին, որ մատակարարէ նոցա կենսական պէտքը և անօրինէ նոցա գործերըն ու պաշտօնները, նոքա այնտեղ առանձնացած՝ միշտ մարդկութեան բարին նպատակ ունենալով պարապելու են մտաւոր և հոգեշահ զբաղմունքներով, իւրեանց մեծաւորին հնազանդ, նորա հրամանաւ պէտք է սահմանեալ ժամանակներու մէջ շրջին քաղաքէ քաղաք, գիւղէ գիւղ, քարովն, խրատն, յորդորն և ուղղն, հսկեն եկեղեցւոյ բարեկարգութեան և պաշտամանց նոյնութեան վրայ, մէկ տեղի մէջ տարիներ չանցնեն. ՚ի պահանջել հարկին վեց

ամիսէն մինչև մէկ տարի միայն կարող են մնալ, միշտ շըրջին, ուսումնարանաց յառաջադիմութեան վիճակը և յետագիմութեան պատճառները քննեն, զեղծումները հերքեն, ուղղութիւն տան, և ժողովրդեան քրիստոնէական կեանքին, վարուց և բարուց վերաց մտադրութիւն դարձնելով երեցներուն հրահանգներ տան, քաջալերեն, զօրացնեն, հսկողութիւն և օրինապահութիւն պատուիրեն, առանց որևէ մի քաղաքական գործի խառնուելու, իւրեանց պաշտօնը անթերի կատարելով որոշեալ ժամանակին դառնան իւրեանց կեդրոնը, ճիշտ ու կատարեալ անդեկութիւն տան, որպէս զի կարևոր անօրէնութիւններ լինին և միւս անգամի համար հրահանգներ պատրաստուին: Իսկ այն տեղ ևս պարապին յատուկ որոշեալ աշխատութեամբ: Երաւունք չունին եկեղեցականք (թէ ամուսնացեալ և թէ ամուրի) առանց իրենց մեծաւորի հրամանին տեղէ տեղ փոփոխիլ գնացած տեղերնին (վիճակ կամ միաբանութիւն) զինքն ապստամբ նկատելով պէտք չէ ընդունին, այլ հարկ է աշխատին իւրեանց տեղը վերադարձնել, մէկ տեղ յանցաւոր դատուածը, մի ուրիշը պէտք չէ արդարացնէ, ապա թէ ոչ հակուակ դէպքի մեջ ընդունողք և արդարացնողք յանդիմանութեան և պատասխանատուութեան ենթարկին, չարեաց և անկարգութեանց պատճառ ինքեանք կրնկատուին, վասնզի ապստամբութիւնը, օրինազանցութիւնը, դատարկաշրջիկութիւնը և ամեն տեսակ մելութիւնը խկապէս իրենք քաջալերած կը լինին:

Այս է եկեղեցականաց կոչման և պարտուց խիստ համառօտ ծրագիրը, զոր Սուրբ դիրք և եկեղեցին սահմանած են, որում մեր նախնիք կը հետևէին երկիւղած ջերմեռանդութեամբ, որոց ջանից և աշխատութեան մնացորդ արդիւնքն է, որ դեռ կը վայելեմք, և սակայն շարունա-

կութիւնն ընդհատած լինելով հետոհետէ այն ևս սպա-
ռելու վրայ է:

Այս սուրբ և վսեմ կոչման անդիտակից եկեղեցականաց
պարտազանցութենէն և օրէնքի անհնազանդ գտնուելէն յա-
ռաջ եկած մեծամեծ ու բազմաթիւ փնասներն ո՞վ կարող
է թուել. ահա ներկայ մեր աննախանձելի դրութիւնն ու
վիճակը հետեանք է այս զանցառութեանց: Ահա կը տես-
նեմք, որ օրէ ցօր կը բազմանան այս պաշտօնին տգէտ,
խնքնահաւան, մոլի եկեղեցականք, արբեցող, դատարկաշրջիկ,
շաղակրատ, խեղկատակ, անկրօն, անտարբեր և աշխար-
համը ագահ կրօնաւորք. ժողովուրդը կը գայթակղի ՚ի
հաւատս և ՚ի վարս. եկեղեցականութիւնը կանարգութի և
կարհամարհութի, ըստ կանխասաց ազդարարութեան սուրբ
գրոց. կարգերն ու կանոնները կը խանգարուին, անօրէնու-
թիւնը կը բազմանայ. խաղաղութիւնն ու սէրը կը վերա-
նան, հաւատարմութիւնն ու արդարութիւնը անհետ կը
լինի և կը տիրէ եղծումն ու ապականութիւն:

Այսպիսի եկեղեցականք, ինչ աստիճանէ և վիճակէ կուղէ
լինեն, ձեռնադրողք և ձեռնադրեալք իրենց չարեաց մէջ
յարատեողք և յամուռեալք թէպէտ, ըստ վկայութեան
սուրբ գրոց և ըստ օրինաց եկեղեցւոյ, լուծուած են իրենց
կարգէն, աստիճանէն և իշխանութենէն. թէպէտ ճշմարիտ
եկեղեցականներ չեն, այլ անիրաւութեան մշակներ և ան-
հաւատարիմ անտեսներ են, թէպէտ Աստուծոյ վրէժ-
խնդիր բարկութեան ենթակայ են, սակայն ի՞նչ օգուտ, որ
նոյն պաշտօնիւ և անուամբ ճանաչուելով՝ բանիւ և գոր-
ծով գայթակղութիւն կը սերմանեն. քանի որ չեն պատ-
ժուիր, քանի որ պաշտօնապէս և հրապարակաւ չեն լու-
ծուիր, այլ ընդհակառակն կը վարձարուին և կարեւոր
պաշտօններու կը կոչուին. հարկաւ արգելք կը դառնան

բոլոր բարեկարգութեանց և ազգային յառաջադիմութեան, պատուհաս են ազգին և կորուստ ժողովրդեան, ապականութիւն են բարուց, արատ ու նախափինք են Աստուծոյ պաշտօնին. որոյ համար վրէժխնդրութիւն կ'սպառնայ Աստուծոյ օրէնքը թէ այնպիսի եկեղեցականաց և թէ նոցա ձեռօք ապականուած ժողովրդեան: (Մաղաք. բ: Չ, աքար. Արեմ. իգ: Ազեկ. ժգ. լգ. և լգ: Այս գլուխներն ամբողջ կարգալով և մասնաւոր համարներու վրայ յատուկ ուշադրութիւն դարձնելով՝ և բաղդատելով մեր ներկայ վիճակին հետ, կը տեսնեմք որ Աստուծոյ խօսքի ճշմարտութիւնը ամեն դարու, ամեն մարդու համար միեւնոյն է, ժամանակն ու մարդուն դրութիւնը չէ կարող ճշմարտութեան յաւիտենական օրէնքին փոփոխութիւն տալ, զի կը տեսնեմք, որ այսօր իսկ այդ կանխասաց ազդարարութիւնք անվրէպ կը կատարուին մեր աչաց առջև ամեն դառնադէտ հետեանքներով. և այս այնքան յայտնի է որ հարկ չեմ տեսներ օրինակներ յառաջ բերելով տխուր նկարագրութիւններ անել: Այն օրէն, որ սկսաւ մեր մէջ դաստիարակութեան հոգը անփորձ և օտար ձեռքերու յանձնուիլ. երբ եկեղեցականութիւնը դաստիարակութեան գործին մէջ անկարող մնաց, այն ատեն խանգարուեցու ամեն բարեկարգութիւն:

Թերևս առարկուի թէ, — Ահա այժմ ևս կան քահանայներ և վարդապետներ որ կրթական ուսուցչական պաշտօններ կը վարեն, բայց դարձեալ սպասուած ցանկալի արդիւնքը չը տեսնուիր: — Շատ ճշմարիտ է այդ, վասնզի դոքա տէր չեն իրենց գործին, դոքա, որոց գործն ապարդիւն կը տեսնէք, կոչուած են այդ պաշտօնին, ոչ թէ արժանաւորութիւնին զնահաստուելով, այլ կոչուած են կամ հզօր միջնորդնետու ազդեցութեամբ, կամ լոկ անունի

և ձևի համար, կամ, նոցա ապրուստին համար, և կամ
ո՞ր գիտէ, մի այլ ի՞նչ տեսակ ձախող նպատակաւ: Աթէ
դուք մի անգամ քննողական աչքով նայիք դոցա մեծա-
գոյն մասին ¹⁾ վերայ, առանց շլանալու նոցա արտաքին
երևոյթէն, փառքէն և մեծախօսութենէն, եթէ գիտնաք
նոցա վարքն ու բարքը, նոցա ուսուցանելու ապարդիւն
և անբնական եղանակը իմանաք, ոչ թէ չէք յանձնել մա-
նուկներ, Ազգին ապագայ յոյսերը, այլ անուսուճններ անգամ
չէք հաւատար, վախնալով որ նոցա բնական յատկու-
թիւններն ու յարմարութիւններն ալ չեղծեն: Այնպէս
դոքա, ըստ մեծի մասին իրենց ուսուցած առարկաները
չեն գիտեր, չեն ալ աշխատիր գիտնալու: Արքա չեն
գիտեր նաև մանկան մտաց վիճակն ու աստիճանը, կա-
ւանդեն այն բանը, որ դեռ ժամանակը չէ, կաւանդեն
այն կերպով, որ աշակերտը չէ կարող ըմբռնել, ուրեմն
ի՞նչ արդիւնք կարող է գոյանալ: Բաց յայսմանէ, դոքա ի-
րենց անխոհեմ և անզգոյշ խօսքերով ու գործքերով կաղ-
դեն երախային վրայ և կը տպաւորեն նորա մտաց մէջ մո-
լեկան սկզբունքներ, ստութիւն, խարդախութիւն, գողու-
թիւն և ուրիշ անանկ մօլութիւններ, զորս ես չեմ համար-
ձակիր յիշել: Արքա այնքան յամառ, յանձնապաստան և
անձնագով են, որ խրատի և գիտողութեան ալ չեն ան-
սար, մինչև իսկ կը յանդգնին արածնին և ասածնին ար-
դարայնելու ձգնել, որով կը յայանեն ամենայն մասամբ խո-
րին տգիտութիւննին, և հոգեբանութեան իսպառ անտե-

¹⁾ Այս փոքրիկ մի բացառութիւն, որ գիտեն իւրեանց
պաշտօնի նշանակութիւնը և արժանաւորութեամբ կը կատա-
րեն, որոց մի քանիսն անձամբ կը ձանաչեմք, ու սրտովին
կը յարգեմք. նոցա մասին ուրիշ առթիւ մտադիր եմք խօսիլ
և յայտնել անուճններն ու գործքերը:



ղեակ լինելնին, իսկ այս վիճակի մարդկան դաստիարակութեան կրթութեան և ուսուցչութեան պաշտօն յանձնելը ապշութիւն է և երախայները բարոյական մահուան մատնել է:

Մեր այս բոլոր ասածները կարող էինք կենդանի օրինակներով ապացուցանել, բայց չեմք կամիր անձնաւորութիւններ մասնանիշ անելով անձնական պատիւներու դպչել, համոզուած լինելով, որ մեր ասածներն ամեն օր ամենուն աչքին առաջ և գործուած իրողութիւններ ամենուն յայտնի բաներ են: Մեր խօսքն նորա համար է, որ անաչառքնենն եկեղեցոյ և տուհասարակ կրթութեան պաշտօնէից մտաւոր և բարոյական վիճակը և այնպէս պաշտօնի կոչեն և ապա դաստիարակութեան արդիւնք պահանջեն:

Գ.

Գ. աստիարակութեան համար մեր ‘Նախնեաց սահմանած կանոնը:

Այս դարուս մէջ դաստիարակութեան խնդիրը մեծ ուշադրութիւն գրաւած ամեն միտք կղբագեցնէ: Անձերնին ազգային կրթութեան նուիրող բարեջան անձինք, կաշխատին կը տքնին կրթութեան, ուսման և դաստիարակութեան դիւրին եղանակներ գտնել, օտար ազգաց ծրագրերը, եղանակներն ու դրութիւնները կը քննեն կը թարգմանեն և կօրինակեն. կը զարմանան նոցա վերայ և գովեստիւ նոցա գործադրութիւնը կառաջարկեն: Երաւամբ կը դատապար-

տեն և կանարգեն մեր նախորդաց արդէն զեղծեալ եղանակները. բայց աւելի լաւ և օգտակար բան արած կը լինէին եթէ բուն մեր նախնեաց ընդունած ու աւանդած կանոնն ու գործ դրած եղանակները ուսումնասիրելով նոցա վերայ բարձրացնէին իսկապէս ազգային դաստիարակութեան շէնքը, ցոյց տալով որ մենք ևս ունեցեր ենք ուզողութիւն, բայց թողեր ու մոռացեր ենք: Շատ հաւանելի է օտարներէն լաւ բաներ օրինակել, բայց մեծ իմաստութիւն պէտք է զանոնք իւրացնել և Ազգին դրութեան յարմարացնել, առ որ մեծ ու խորին հմտութիւն պէտք է և մտադրութիւն հարկաւոր է ազգին ծագման, նորա դրութեան, բարուց, սննդեան, բնական և բարոյական կազմութեան, զարգացման, յատկութեանց ու յարմարութեանց, բնակութեան տեղերուն դիրքերուն, ապրելու եղանակին ընտանեկան կեանքին և այլ շատ բաներու. մանաւանդ նորա բուն ազգային դաստիարակութեան նախնի օրէնքներուն. ապա նոր ընդունածները նոցա վերայ ձուլելով շինել սեպհականութիւն:

Մեր չեմք կարող խոստանալ առ այժմ այս տեղ մեր Նախնեաց դրութեան վերայ շատ բան խօսիլ, զի ամեն առ ձեռն դիւրութիւններէ զուրկ և անհաստատ կոցութեան մէջ կը գտնուինք. այլ ինչ որ այժմ կարողանամք գրել, այնչափ միայն կը լինի, որ առիթ կը տամք սոյն ազնիւ ու վսեմ աշխատութեամբ պարապողներուն, որ առաւել մտադրութեամբ քննեն մեր Նախնեաց աւանդած կանոնները և իրենց աշխատութիւններն ազգային կեանքին յարմարացնեն, որ Ազգը ամբողջ մնայ և չէ թէ օտարին յարի:

Մեր Աստուծոյ խօսքին երկիւղած հպատակութեամբ, «կը սնուցանէին իրենց զաւակները Տիրոջ ուսմամբն ու խրատովը», և գիտնալով որ քրիստոնեայ ժողովուրդն է «քահանայութիւն, թագաւորութիւն, ազգ սուրբ, ժողովուրդ սեպհական», այնպէս կը համարէին որ իրենց զաւակները կարելի է մի օր քահանայ, վարդապետ, եպիսկոպոս, կաթողիկոս և մինչև իսկ թագաւոր կրնան լինիլ, մանաւանդ այս սուրբ համոզմամբ թէ— իրենք Աստուծոյ սեպհական ժողովուրդն են—, առայն կը ջանային պատրաստել իրենց զաւակները, և այս նպատակին համար երեք կրթարաններ ունէին, ա—ընտանեկան յարկը, բ—եկեղեցին, գ—ժամանակին գանուած ուսումնարաններն ու վանքերը: Այս երեք կրթարանաց մէջ կարգաւ և աստիճանաբար կը զարգանային մաքուր առաքինութեամբ և իրենց ժամանակին գանուած ուսումներով և զիտութեամբ:

Քրիստոնէութեան ոսկէ դէն դարուն մէջ, երբ հաւատքը լուսաւոր, հաստատ և գործնական էր, երբ աստուածպաշտութիւն և սէրը վառ ու ջերմագին էր, երախան մկրտութենէ տուն դարձած աստն՝ ծնողք ջերմեռանդ և երկիւղած զգացմամբ կրնդունէին զայն իբրև Աստուծոյ որդեգիրը և զիրենք կը համարէին նորա խնամակալը, այն օրէն կը սահմանուէին և մանկան ճշմարիտ դաստիարակները, որք էին ծնողք, կնքահայրը և արժանաւոր քահանայն, որք ամենայն պարկեշտութեամբ կը վարուէին երախայի հետ, Վ՛զգուշանային ամեն անպատշաճ խօսքէ և գոյժքէ, վախնալով որ մանկան զբայարանքէն չընդունի նորա միտքը մի վատ տպաւորութիւն և չ՛աճի հասակին հետ:

Արբ մանկական լեզուն կը բացուէր և կսկսէր բառեր թոթովել, նախ Աստուծոյ բարերար անունը և նորա օրհնութիւնը կը սովորեցնէին, հասակին աճելուն և լեզուն

Թեքելուն հետ կաւելցնէին կարծ' նախադասութիւններ, և ինքնին սուրած սխալ բառերն ու նախադասութիւնները կուղղէին: Մանուկը զարգանալով օրըստօրէ և ցանկալով գաղափարներ հաւաքել, կը հետաքրքրուէր զանազան հարցերով, ծնողք կը ջանային ըստ կարի գոհացնել, ամեն հարցի բացատրութեան հետ Աստուծոյ բարութիւնն ու ողորմածութիւնը ցոյց կըտային:

Արկորդ: Արարածոց զուարճալի և հիանալի տեսարաններով կըբաղեցնէին. երկնքի, արևու, աստղերու և լուսնի գեղեցկութիւնը կը ցուցնէին, նոցա պաշտօնն ու օգուտը կուսուցանէին. եղանակաց փոփոխութիւնը, բուսոց, ծառոց, պտղոց տեսակները, նոցա պիտանութիւնը կը ծանուցանէին. բուսականաց ծլելուն ծաղկելուն, պտղոց խակին ու հասունին վնասակար և օգտակար յատկութեանց վերայ 'ի պատահել առթին կը խօսէին, ծաղկանց հիանալի գեղեցկութեան, հոտին, գոյներու զմայելի տեսքին վրայ մանկան հետաքրքրութիւնը շարժելով ուշադրութիւն անել կը տային, և այս ամենուն մէջ Աստուծոյ մեծութիւնը, բարութիւնը կարողութիւնը և անսահման գեղեցկութիւնն ևս կը ձանչցնէին և կամաց կամոց նորա բոլոր կարողութիւններուն, մանաւանդ ամենուրեք, ամենատես և ամենագէտ լինելուն վրայ երկիւղածութեամբ և զգացմամբ կը խօսէին ծնողք, որոց կ'օգնէին քահանայն և կնքահայրը. միաբան միեւնոյն բնական ուղղութեամբ կը հասցնէին մանուկը 'ի ճշմարիտ աստուածգիտութիւն և կը շարժէին միշտ նոր բան սովորելու հետաքրքրութիւնը:

Արրորդ. Արախսան զարգանալով օրըստ օրէ և իմացողութիւնը բացուելով կ'սկսէին բարձր տեղեկութիւններ տալ. որչափ կարելի է միշտ նիւթեղենաց հետ կցորդելով. խորին երկիւղածութեամբ ամենասուրբ Արրորդութեան խոր-

Հուրըր կը բացատրէին. որչափ և ինչ կերպով որ երախան կարող էր իմանալ և ըմբռնել, կը ջանային ուսածներովը զարթուցանել նորա մէջ երկիւղած հաւատք:

Չորրորդ. Արգաւ կը սովորեցնէին արարածոց ստեղծումը. Հրեշտակաց, նոցա պաշտամանց և առ մեզ վերաբերութեանց մասին սուրբ գրոց աւանդածները կը պատմէին, հպարտ և անհնազանդ հրեշտակաց անկումը բարոյական իմաստովը կը բացատրէին, միշտ զբօսալի եղանակաւ, երկիւղած ու քաղցր պարապմունք արած կաւանդէին, զգայականն ու մտաւորը միմեանց հետ խառնած, հեշտութեամբ կուսուցանէին:

Հինգերորդ. Մարդուն ստեղծումը, նորա անմեղութեան վիճակը, պատուիրանազանցութիւնը սորա հետեւանքն եղող մարդուն անկումը, կորուսած նիւթական և հոգեկան բարիքը, զորս նորէն ստանալու համար աշխատութեան և պատուիրանապահութեան հարկը, փրկիչ խօստումն և այլն. նոյնպէս և այժմ պատուիրանազանցներուն կրելիք վնասներն ու պատիժը կը պատմէին ու կը բացատրէին:

Աւեցերորդ. Յիսուս Վրիստոսի մարդեղութիւնը և բոլոր անօրէնութիւնները մինչև սուրբ Հոգւոյն գալուստը՝ Տէրունական սօներու օրերը կարգաւ կը սովորեցնէին, նոյն պէս և սովն սօներու բացատրութիւնը կը տային: Հաւածախ եկեղեցի տանելով պատկերները ցոյց կը տային և նոցա վերայ կը սովորեցնէին և մանուկը ուրախութեամբ կը շնէր, դիւրութեամբ կրմբռնէր ու նորա անմեղ մտաց մէջ հաստատ կը տպաւորուէր:

Աթոթներորդ. Ար յայտնէին Վրիստոսի նորէն աշխարհ գալու խոստումը: Հոգւոց և մարմնոց յարութիւնը, արդար ու անաչառ դատաստանը արդարոց փառաւոր և երջանիկ կեանքը, մեղաւորաց դառն ու սոսկալի պատիժը:

Այս կերպով՝ երախային հասակին աճելուն հետ՝ կաճէր ու կը զարգանար նորա միտքը, կը կրթուէր սիրար, կուղղուէր բարբըր և նա կը ճանչնար արարածոց սկիզբն ու վերջը. կրօնի ճշմարիտ ու կատարեալ բարոյականութեան սերմունքը կրնդունէր իւր մանկական քնքուշ սրտին ու մաքուր մտքին մէջ և շարունակ հսկող աչաց և կրթիչ ձեռաց ներքեւ կը խնամուէր, կը պաշտպանուէր, կը մշակուէր, կաճէր ու կունականար:

Աւթերորդ. Ծնողք միշտ եկեղեցի տանելով կը վարժեցնէին մանկան Աստուծոյ տունն յաճախել, պաշտամանց ու հանդիսից ներկայ գտնուիլ, ընթերցմունքը երգերը և բարոյները, որ եկեղեցւոյ մէջ միշտ առաջին տեղն ունէր, մտադրութեամբ լսել, կը սովորեցնէին հանգիստ կենալ, միտ դնել և անձայն երգակից ու աղօթակից լինել. սովրել և սովրածը միշտ կրկնել: Տուն գալով տեսած և լրսածներուն վրայ հարցեր կանէին. երախան սովրածներն ուրախութեամբ կը կրկնէր. ծնողք կը խնդակցէին, կը գովէին և կը քաջալերէին. սխալները կուղղէին և աւելի մտադրութիւն կը պատուիրէին. մանուկը ուշադրութեան և մտադրութեան կը վարժուէր. կը յարէր իւր ազգային եկեղեցւոյն. անդ յաճախելով՝ աստուածապաշտութեան կարգաց հետ՝ կրնտելանար և եկեղեցւոյ լեզուին. տեսնելով դպրոցական մանուկներ, որ այնտեղ կերպն ու կը կարդան, եռանդով կը ցանկար որ ինքն ևս մասնակցի պաշտամանց. և ահա ծնողք, նորա այս փափաքը կը ջանային յօգուտ գործածել, առիթ կունենային կարդալ գրել սովորելու սէր արթնցնել, այնուհետև դորա հոգսը կը քաշէին: Թէպէտ մեք չեմք գիտեր այսօր թէ այն աստն նոքա ինչպէ՞ն կ'ըսկսէին գրերը ճանչցնել կամ ինչ դիւրին եղանակ ունէին, բայց մեր օրերը տեսնուած պնակէն, զոր կաւով կը ծե-

փէին և վրան երեք տառ գրելով կը վարժեցնէին, մեզ կարծել կըտայ թէ սկիզբներն աւելի կանոնաւոր և դիւրին եղանակներ կային և այս վերջինը նոցա աղաւաղած մի ձեւն էր. ինչ որ լինի, սակայն յայտնի է, որ Վատինիք լաւ ուսումնասիրած էին մանուկն, նորա տկար ու զօրաւոր կողմերը և նորա բնական ու բարոյական մասերը. կարծես մի աւանդական ծրագիր հայրը որդւոյն ժառանգութիւն կը ձգէր, որ յաջորգաբար երկիւղածութեամբ կը կրթէին իրենց զաւակները և մինչև դպրոց զրկելը բաւական պաշար տուած կը լինէին:

Եկեղեցին մի ստոյգ վարժարան էր երախայից և հասարակութեան համար, ուր յաճախ կը ժողովէին ժամերգութիւն սկսելէն յառաջ և մի գիտցողի առաջնորդութեամբ կ'սկսէին ծայրէ ի ծայր սերտել պատկերները, որ այն ատենները աւելի պատմական կարգաւ դասուած էին, ¹⁾ մինը կը պատմէր, այլք ունկդիր կը լինէին. մանաւանդ երախայք յառաջ մղուելով ծերերն անհանգիստ կանէին մինչև ականապիշ պատկերը դիտէին. բերանաբաց կըզմայէին և պատմողին ուշադրութեամբ կը լսէին. երբեմն ոմանք հարցեր կուղղէին, որում եթէ պատմողը չը կարողանար պատասխանել, երէցին կը դիմէին որ արդէն կանխած այն տեղ կը գտնուէր: Այսպէս կը լինէր նաև յաւարտ ժամեր-

¹⁾ Պատկերներն եկեղեցւոյ մէջ ընդունուած է ուսուցանելու, մտադրութիւն ուղղելու և հաւատոյ ուսումը հաստատ ու մըշտնջնաւոր պահելու համար. եթէ անհոգութեամբ և թուլութեամբ զեղծումներ մտած են, աշխատելու է զեղծումները վերցնել և ոչ պատկերները, ինչպէս օտար հակառակողներէ խաբուելով արին ոմանք անդ տեղ. իսկ պատկերներն նախնական դրութեամբ իրենց նպատակին գործածելու է, որ շատ օգտակար է և եկեղեցւոյ մէջ խիստ կարևոր:

գութիւն: Մայրը բռնած երեխային ձեռքէն, կամ գիրկն առած՝ մատով ցոյց կը տար պատկերին մէջ, ինչ որ մանկան հետաքրքրելի կը համարէր. և այս խիտա կանուխ, դեռ լեզուն անգամ չը բացուած, նախապէս կը վարժեցնէր, որ ապա աւելի դիւրին ճանտագարհ բացուի իւր դասախոսութեանց: Մայրերն՝ այո՛, գորանէն սկսած իրենց քաղցրիկ օրօրներով և սիրազեղ գգուանօք շատ օգտակար դողափարներ կը տալաւորէին: Արտինի դարուց մէջ մեր ամենէն մեծ, բարի և օգտակար մարդիկը իրենց մարց դաստիարակութեան պտուղներն են. բայց այն մայրերը ներկայ մայրերու պէս չէին. նոքա շպարը կատէին զի այդ անառակ կանանց յիմար մարդիկը խաբելու համար լարած որոգայթն էր: Աոքա շատաշըջիկ չէին, ինքզինքնին օտարին ցոյց տալու կամ հաճոյացնելու մոլորութիւնը չունէին, երախտական պճնասիրութիւնը զիրենք չէր զբաղեցնէր. ինչ որ ազգային էր, զայն շատ կը յարգէին. օտարին ունեցածին աչքք չունէին, դատարկ կամ անօգուտ ժամանակ չէին անցընէր. միշտ օգտակար աշխատութեամբ պարսպած կը լինէին. իրենց մարդերուն օգնականն էին և ոչ թէ կուռքը կամ անօգուտ բեռը. իւրեանց որդեով և ամուսինով միայն կը պարծէին և ոչ թէ շորերու պատառներով: Այսպէս էին մեր նախնի Մայրերը որոց ազգօգուտ պտուղներու պատմութեանց հատկտորը ամօթով կանէ այսօր այժմեան ունայնասէր մայրերու ցնդական հմտութիւնները և կը կշտամբէ զաւակ սնուցանելու դժուարութենէն փախչող հեռացող խպշիկ մայրերու յիմարութիւնը:

Իններորդ. Ամեն տեսակ չարութիւն զգուելի խօսք և անպատշաճ գործք մեծ զգուշութեամբ և սաստիւ կարգիլէին. կաշխատէին սանձել կատաղի կիբքերը. հսկողութիւն կանէին որ խաղի մէջ ընկերաց հետ սիրով և հա-

մաձայնութեամբ վարուին. խոտիւ կարգիլէին ստախօսութիւն, հայհոյութիւն և գողութիւնը. վերջապէս ամենօրեայ շարժմունքներէն խօսքերէն ու գործքերէն առիթ առնելով չարն ու բարին կը հասկացնէին և ընտրութիւն առնել կը տային:

Տասներորդ. Մահուան անհրաժէշտութիւնը կիմացնէին. անմեղ կեանք վարողին երկար, առողջ և զուարթ ապրելը կը հաստատէին սուրբ և առաքինի մարդկան պատմութիւնով. քաղցր հանգիստ խղճով և ուրախութեամբ աշխարհէս մեկնելը զնայլմամբ կը պատմէին: Իսկ չար ու անառակ կեանք վարողին թշուառութիւնը, տաղնապր, ցաւը, նեղութիւնը, ամենագէտ ահաւոր դատաւորին ամենատես աչաց առջև ներկայանալու սոսկումը և անվախճան տանջանաց նկարագիրը կանէին սարսափով և կը յորգորէին մանուկը բարի մարդ և բարի բրիստոնեայ լինելու: Այս ամենը կը յաջողէր շատ դիւրութեամբ, զի սիրով և յօժարութեամբ կը կատարէին. խիստ կանուխէն սկսած լինելով և յարատ և շարունակելով անզգալի կերպիւ կը տպաւորուէր մանկան մտքին սրտին և վարուց մէջ. իսկ մանուկը սովորած լինելով այս ամենը արդէն հասած կը լինէր եօթնամեայ հասակը: Աթէ մինչ ցայս դար շարունակուած լինէր այս եղանակը, հրչափ կատարելագործուած կը լինէր. նայելով դարուս ուսանելի առարկայից շատութեանց, հրչափ ժամանակ շահած պիտի լինէր երախան դպրոց մտած ատեն բաւական պաշարով և ուսանելոց վերայ քիչ շատ ծանօթութիւն ունենալով. այժմ եօթն տարեկան տղան շատ տեղ տակաւին դպրոցի յարմար չը սեպուիր, սակայն մինչև այդ հասակը մի օգտակար բան չը սովորէ զատ, արդէն շատ վտասակար զաղափարներ ստացած կը լինի շրջապատող ընկերներէ և յարաբերութիւններէ:

Այս հասակին ծնողք կը տանէին երախայն յեկեղեցի մի շնորհակալութեան ընծայով. ջերմեռանդութեամբ և սրաաբուղի մտղթանօք կը նուիրէին Աստուծոյ՝ յանձնելով սուրբ Հոգւոյն շնորհաց. ապա կը տանէին վարժապետին, որ մեծ զգուշութեամբ ընտրուած կը լինէր ժողովրդէն և ամենուն յարգի ու պատկառելի էր. յաճախակի կը լինէր նա մի ընտրեալ, առաքինի և աստուածահաճոյքահանաց, սարկաւազ կամ Աստուծոյ պաշտօնին նուիրուած մի աշխարհական բարի անձն, որ ընդունելով մանուկը ծնողաց ձեռքէն, կըսկսէր շարունակել մանկան ընդունակութեան համեմատ: Միեւնոյն հսկողութիւնը կը լինէր նորա վարուց և բարուց վերայ. վարժապետ և ծնողք միշտ միաբան էին այս պարագային մէջ. վարժապետին անօրինածը ծնողք կը յարգէին. դիտողութիւնին առանձին կիմանցէին, մանկան առջև վարժապետը միշտ բարձր դրից մէջ կը պահէին. թերևս արժանիքէն վեր պատիւ կը տային:

Այսպէս կը պատրաստուէին ժողովուրդի երեսայքը անխտիր, հարուստ և աղքատ միեւնոյն ուղղութեամբ. հետեւաբար և ժողովուրդք: Յետոյ պարտք և պատիւ կը համարէին ուսանիլ մի նիւթահան արհեստ կամ բռնել մի գործ և զբաղել անով. աշխատասէր կենաց կը վարժուէին. պէտք և ապրուստ հոգալ և ընտանեաց խնամ տանել կը սովորէին. միեւնոյն ժամանակ մասնաւոր շնորհք երաժտութիւն կամ լաւ անողանութիւն ունեցողներն ինքնայօժար կը մասնակցէին եկեղեցական պաշտամանց, առանց փոխարինի: Հասկանալի է ուրեմն, որ դժուարին էր՝ պէտք եղած ժամանակ՝ ընտրել այսպէս գաստիարակուած ժողովրդի մէջէն ծանօթ լաւագոյնը և կոչել յեկեղեցականութիւն, որոյ ընտրութիւնը միշտ ժողովուրդի իրաւունքն եղած է: Արհեստը կամ գործը, միայն թէ անբարոյական

չը լինէր այն. արգելք կամ անպատուութիւն չէր համարուէր, ընդհակառակը անգործութիւն էր անպատիւ և արհամարհուած. զի գիտէին նոքա, որ մէր փրկիչն իւր Առաքեալները կոչած աստն զբազուած էին նոքա գործերով. նոյն իսկ Փրկիչ ևս իւր քարոզութիւնն սկսելէն յառաջ զբազուած էր գործով: Նոքա յարմարութիւն ու հմտութիւնը, վարքն ու բարքը կը նայէին. ընտրութեան ժամանակ խիստ երկիւղած էի և պատասխանատուութեանէ կը վախնային. չունէին նիւթական նկատումներ. երկիւղալի էր կողմիակցութիւնը կամ յանպատեհս միջնորդութիւնը և կաշառք, որ բնաւ ծանօթ չէր: կարծիքներ կը յայտնէին ընտրելոյն վրայ ունեցած անձնական ծանօթութեամբ և խղճի վկայութեամբ. իսկ ընտրութիւնը վերջանալէն յետոյ անհամարձայնութիւն չէր երևեր. ընտրողըն կը յայտնէին ժողովուրդի կամքը և նա կընդունէր իբրև աստուածային հրաւեր. կը շնորհաւորէին զինքը, կը յորդորէին որ հետևի այս ինչ քահանայի օրինակին, որ արթուն և ժիր էր իւր պաշտօնին, հոգ կը տանէր ժողովրդեան կենաց լաւութեանը, անաչառ և արդար գթած ու բարեսիրտ էր, կը սիրուէր ու կը յարգուէր ժողովրդէն օտարներէն և հեռաւորներէն անգամ: Այսպիսի օրինակներով խրատներ և քաջալերութիւններ կը տային և նա կը լսէր ու կընդունէր յօժարութեամբ. ապա բարեմաղթութիւններ անելով փոխադարձ խնդակցութեամբ մխիթարուած կը մեկնէին: Իսկ նոր ընծայն պաշտօն ու ձեռնադրութիւնը ընդունելէն վերջը՝ բոլորովին նուիրուած կը լինէր ժողովրդեան հոգևոր և բարոյական օգտին, իւր սեսածին և ուսածին պէս կը շարունակէր. կը ջանար իւր նախորդաց լաւագոյնին նմանել: Այնու հետև նորա մշանջնաւոր պարապմունքը կը լինէր սուրբ գրոց ընթերցումը

և եկեղեցական շարք իմաստուն և հրահանգիչ զրուածները, որոց արդէն բաւական ծանօթ էր: Ար հսկէր իւր հոտի վերայ սրպէս անձնադիր հովիւ. ժողովուրդի ցաւը իրեն կը համարէր և կաշխատէր թեթեւցնել. կը քարոզէր Աստուծոյ խօսքը բանիւ և գործով, կը խրատէր, կուսուցանէր, կը յանդիմանէր և կը մխիթարէր. ծագած վեճերը կը խաղաղէցնէր ամենայն անկողմնակալութեամբ. մանուկները կը կ'ըթէր քաղցրութեամբ և հայրական սիրով. ոչ կը պարծէր և ոչ կը խրոխտար, կը կատարէր ամեն բան իբրև պարաւտրութիւն և կը վախնար պարտազանց գտնուելէ, ինչպէս Աստուծոյ հաւատարիմ անտես, կը կերակրէր Աստուծոյ դերգաստանը հոգեպարար խօսքերով: Ոչ մի կենցաղական նկատումն կամ նպատակ չունէր, միայն կը ջանար իւր պարաքր կատարելով ծառայած լինել Աստուծոյ. նիւթական շահու ոչ ակնկալութիւն ունէր և ոչ հող. չէ իւր համեստ, չափաւոր և սակաւապէտ կենաց կարեւոր եզածը ժողովուրդը կը հոգար յօժարամիտ սիրով է իր համարէր նուէր Աստուծոյ. որով լաւն ու առատը կրնձայէր. եկեղեցականը վարձկան չէր, և կեղեցականութիւն արհեստ կամ նիւթական շահու դուռն չէր...: Իւր ասն մէջ կը պահուէր կարգ, համեստութիւն և չափաւորութիւն. երիցակինը նմանապէս մայր էր հասարակաց, հագայող և խնամող, պարկեշտ ու բարի օրինակ կանանց:

Վահանայ և ժողովուրդ այսպէս քաղցր ու սուրբ սիրով կապուած միմեանց հետ, կը կազմէին մի հոգեւոր գերդաստան և Աստուծոյ օրհնութիւնը ակներև կը աննուէր հասարակութեան մէջ:

Իսկ եթէ մանկութենէ որոշուած լինէր մէկը եկեղեցականութեան կամ վարդապետութեան, նորա կրթութիւնը

շատ զգուշաւոր և խիստ էր. կարճ խօսքով բացի կարևոր ուսումններէ և վերոյ յիշեալ կրթութիւններէ, մեծ հսկողութիւն կը լինէր նորա կենաց բոլոր շրջաններու մէջ վարուց, հակմանց և ախորժակաց վերայ. հոգեկան կարողութիւնքը, ներքին և արտաքին զգացումներով և տեսութեամբ կրղբաղեցնէին, կիրքերը չամաւորելու, սանձելու և օգտակար գործածելու համար ամեն փորձերէ կանցնէին, ժուժկալութեան, աշխատութեան, սքնութեան, քաղցի, ծարաւի, ցուրտի, տաքի, և այլ խտուրտ կեանքի վարժեցնելով մինչև երեսնամեայ հասակը կը հասցնէին: Խնամակալք՝ երբ վստահ կը լինէին ընծայեալին կատարելութեան վերայ և երբ կը պատրաստուէին կոչել յաստիճան եկեղեցականութեան, դարձեալ երկար հարցափորձեր կանէին. պատահելիք ծանր դժուարութիւնները, հրապուրիչ փորձութիւնները, ներքին և արտաքին բարոյական պատերազմները ամենայն պարագայիւք կը յիշեցնէին. երբ հաստատ որոշումը և կատարեալ խոստումը առնէին, ապա թէ վերատին զգուշութիւններ պատուիրելով, քաջալերութիւններ տալով ծովով և աղօթքով կը տային հոգևոր աստիճան, հեղհեղեղ իւր արգեանց և արժանաւորութեան համեմատ կը հասցնէին աւելի բարձրագոյն աստիճաններու:

Մ. յսչափ զգուշութեանէ յետոյ երբ ծանր յանցանքի մէջ անկանէր, կարգին ու աստիճանին անարժան գործի մէջ զանուէր, յանցանքին համեմատ ապաշխարութեան կ'ենթարկէին կամ կարգէն կը լուծէին: Մ. յս արդարութիւնը այնչափ խիստ կը պահուէր, որ ոչ ոք չէր համարձակեր միջնորդել կամ հնարքներով աղատել ջանար: Մեծաւորք ևս այնքան բարոյական մեծ արժանիք ունէին սրբութեամբ և օրինապահութեամբ, որ ոչ ոք չէր համարձակէր նոցա անօրէնութիւնը խանգարել. մանաւանդ զի-

տէին, որ այս պատիժը եկեղեցական աստիճանի սրբութիւնը և հասարակաց բարեկարգութիւնը պահպանելու համար էր: Մեծաւորք չէին զեղծանիր իրենց իշխանութեամբ, իրենց անձին դէմ եղած անարգանաց վրէժխնդիր չէին, բաց'ի խրատէ և յանդիմանութեանէ ուրիշ պատիժ չունէին, օրինաց խստութիւնը միայն ծանր դէպքերու մէջ կը դործադրէին. նոյն իսկ դատապարտեալն անգամ հեզութեամբ ճանչնալով իւր յանցանքը և պատժոյն արդարութիւնը. չեր համարձակեր միջնորդի դիմել, ոչ ալ իւր անձն արդարացնելու ջանալ. (ինչպէս շատերը կանեն այժմ խաբերայ հնարքներով.) այլ զզջման և ապաշխարութեան կը պարապէր ամենայն խոնարհութեամբ, որպէս զն անձը կրթէ և ճշմարիտ ներողութեան հասնի: Դակ եթէ մին համարձակէր լքանալ, յանդգնել և մի որև է միջոցով օրինաց կարգադրութեան հակառակիլ իշխանութեան դիմադրել: նա կը բանադրուէր և հասարակութեան առջև խոթացեալ անգամ կը համարուէր, մինչև զզջալն ու ուղղուիլը, որուն կը նպաստէին և այլք խրատելով ու յանդիմանելով, ոչ թէ այժմեան պէս կը գրգռէին և չարութիւնը կը քաջալերէին:

Սաշառը սոսկալի բան էր, անունէն անգամ կը փախչէին, ընդունող չը կար, մատուցողը չարաչար կը յանդիմանուէր, դիտնալով որ խափանիչ է ամեն արդարութեան և ճշմարտութեան, խանգարիչ ամեն բարեկարգութեան. չը կար նիւթական վարձատրութիւն որ գրգռիչ է շատ մնասակար կիրքերու, այլ աստիճանէ յաստիճան կը բարձրացնէին արժանաւորները, բայց ամեն աստիճանի հետ նորանոր պարտաւորութիւններ ալ կաւելցնէին. ուստի և նախանձ, փառասիրութիւն, աղահուստութիւն, անարգ շահախնդրութիւն հազիւ երբէք կը տեսնուէին և իսկոյն կը պատժուէին:

Աթէ մի ակնարկ ձգենք այսօրուան յաճախած դիտարկներ, խաչեր, նշաններ և այլ նիւթական վարձատրութիւներ բաշխելու զեղծման վերայ. մէք եր տեսնենք իսկոյն հոգեւորականութեան մէջ լոկ այդ պատճառաւ մտած անկարգութիւնները. կը տեսնենք, որ անարժաններն ալ ստացած են այդ պարգևները, շատ անգամ արժանաւորը զրկուած է, վասնզի անարդար միջոցներու չէ ուզած գիմել կամ չէ յաջողած: Անգործք, անարժանք և մոլիներն անգամ մի հնարքով ձեռք ձգած են այդ պարգևները և կը խրոխտան լուերու վերայ: Ար տեսնենք սոյն իսկ հոգևոր աստիճաններու անարդար բաշխումը, որովք պատճառ դրուած է պաշտօնէից անհոգութեան. խոտորնակ միջոցներու դիմելուն. բուն գործերնին, պարտքերնին, պաշտօնին թողած, ուչք ու միաք դարձուցած են պարզ և աստիճան ստանալու և տեղի տուած են բամբասանց և շատ ուրիշ մտլութիւններ:

Այս զեղծումները տարակոյս չը կայ, որ մեծաւորաց թուլութեամբ օտար ազդերէն մտած է, բայց պէտք է խոստովանել որ շատ անգամ և ժողովուրդը պատճառ տուած է, միջնորդելով, ստորագրութիւն տալով խնդրած է մի եկեղեցականի համար վարձատրութիւն, աստածան, վիճակ, սուտ վկայելով նորա չունեցած բարեմասնութեանց և թաքցնելով նորա անյարմարութիւնքը. յորմէ հետևած է այս օրուան ընդհանուր զեղծումը, հասարակաց տրառնջն ու զանգատը, բարեկարգութեան և յառաջադիմութեան դժուարութիւնը և որ ցաւալին է, վերցնելու, կարգադրելու և ուղղելու համար կարողութիւն չըկայ, զի բովանդակ Ազգին մէջ ան իշխանութիւն կը տիրէ:

Գ.

Մենի շխանութիւնն.

Չը կայ մի գործ կամ պաշտօն, որոյ յաջողակ կատարման համար չընտրուին պաշտօնեայք մասնաւոր քննութեամբ, չը կայ պաշտօնէութիւն մի, որ լաւին ու վատին մէջ տարբերութիւն չը դնէ. հասարակ արհեստաւորն անգամ իւր աշակերտաց և գործաւորաց յատկութեանն ու յարմարութեանը նայելով՝ յարմարները կը գործածէ, անյարմարներն իշխանաբար դուրս կը ձգէ. որպէս զի իւր գործին վնաս չը բերեն և այլոց զեղծման պատճառ չը լինին: Այսպէս և ամեն պաշտօն՝ կանոնաւոր և արդիւնաւոր կատարուելու համար, կը պահանջէ պաշտօնէին յարսարագոյնը: Միայն եկեղեցականութիւնն է, որ տակաւ խոտորելով եկեղեցւոյ օրէնքներէն, կընդունի իւր մէջ անխրատիք, առանց քննութեան, առանց հրահանգելու, առանց որ և է բացառութեան ամեն անյարմար անպիտանները. չարեաց և մոլութեանց մէջ ունակացած՝ ամենաստոր վարուց և բարուց տէր անձինքը, առանց մանր պաշտօններով փորձելու և վարժեցնելու կը յանձնէ ծանր ու կարևոր պաշտօններ, որք ոչ միայն չեն կարող կատարելու, այլ և կը խանգարեն, ու կը փճացնեն, զորս իշխանութիւնը չէ կարող ոչ խրատել, ոչ ուղղել, ոչ պատժել և ոչ մերժել, ամեն կողմ կը տիրէ անկարգութիւն, որ հզօր արդէր է յառաջադիմութեան, ամեն կողմ կը տիրէ կատարեալ անիշխանութիւն, առաւել քան զայս անկարգ, անկանոն, խառնափնդոր վիճակ կարելի չէ երևակայել: Ամեն տեսակ յանցաւորներ չարագործ պատժա-

պատներ, վտխանակ պատժոյ կրնդունին պատիւ և պաշտպանութիւն, վիճակ և վարձատրութիւն. ժողովուրդն իսկ կարծես ապշած մտրուած, շատ անգամ կը պաշտպանէ յանցաւորը և կրնդգիմանայ իշխանութեան, մինչդեռ բնաւ միջամտելու չէր, կամ յանցաւորը խրատելու էր: Հրատարակիչը ևս անպատշաճ ոճով ստոյգ և անստոյգ լուրեր անխոհեմաբար հրատարակ հանելով, վերցրին ամեն ակնածութիւն և ամօթ, հետտել ապստամբել տուին ամեն օրինաց և կարգաց և Ազգը հասաւ յետին ծայր անիշխանութեան, յորում մարգարէին, գուշակած պատուհասը ստուգիւ կը կատարուի. «Մանուկը ծերին կրնդհարի. խաբեբայք կը տիրեն», երես կառնուն կը խրոխտան, անձերնին ու չարած՝ լաւ գործերնին կը դրուատեն ու վնասնին կարգարացնեն, ժողովուրդին կամքը, կիբքերը շոյելով շողքորթելով՝ լաւերն ու ողջամիտները կը պարտաւեն և այսպէս խաբէութեամբ կապեն և ժողովուրդը կը մտրեցնեն, որոյ ազգակործան հեռեանքը օր յաւուր կը ծանրանայ ազգին վերայ և ամեն օգտակար ձեռնարկութիւնք ապարդիւն կը մնան:

Զեթանոս խմատասէր մի կարծես զմեզ յանդիմանելու համար սա ճշմարտութիւնը կը յայտնէ և զմեզ ամօթահար կանէ. «Աւր չը լինի ինչ խտիր ընդ չարս և ընդ բարիս, զհետ դայ խառնակութիւն և խուռն արձակուրդ մտլութեանց:» (Սենեկ) Այս ճշմարտութեան ապացոյց ցաւալի դէպքեր ամեն օր կը պատահին և յոյանի օրինակներ զբացող սրտերու ցաւ կը պատճառեն: Ահա կը տեսնեմք ընդհանուր անկարգութիւն եկեղեցւոյ մէջ. անհոգ, թոյլ և զանցառու պաշտօնավարութիւն տատաւածային պաշտամանց մէջ. լոկ շահագիտութիւն պաշտօնէից մէջ. կատարած գործերնուն խորհուրդին և նպատակին անտեղեակ. կրօնաւորաց մէջ անկրօնութիւն. աղահուսթիւն.

անապաշտութիւն, մարգեղուզութիւն, անտարբերութիւն
և այլն, նոյնը և ժողովրդեան մէջ. որում հետեւած է ան-
հասկանալիութիւն և անհասկանալիութիւն՝ զաւակի և ծնո-
ղաց մէջ, առն և կնոջ, ընկեր՝ ընկերի մէջ. խարհութիւն,
ուխտադրութիւն, սուտ երգումն, զրկանք զողութիւն,
խաղամոլութիւն, մէկ խօսքով ամեն չարիք ամեն մոլու-
թիւն կը գործունին ամենայն ազատութեամբ, համարձա-
կութեամբ և պարծանօք. եկեղեցական և աշխարհական
իրարմով քաջալերուած՝ անկարգութեանց մէջ կարծես զե-
րար գերազանցելու կը ճգնին և չը կայ մէկը, որ սանձէ
և յուզողութիւն ածէ, վասնզի իշխանութիւն չը կայ.
ընդ անուանական դարձած իշխանութիւնք ալ՝ ազդեցու-
թիւն չունին, երբեմն տկար ու հնազանդ թեթև յանցա-
ւորներու վերայ կը փորձեն իրենց իշխանութիւնը ամենայն
սաստկութեամբ և կը մխիթարունին՝ կարծելով թէ իշխա-
նութիւն ունին. իսկ մեծագոյն յանցաւորը սուտ ու փուձ
պատճառներով կարգարցանեն. — Ինչո՞ւ. — վասնզի նա լիբք է,
յանգուզն և շաղակրատ է. պէտք չէ յուզել որ հանդարտ
մնայ. — : Այսպէս կանեն և այսպէս կը խորհին կառա-
վարութեան ոգի չունեցողները, սակայն և այս մի պատ-
ճառ է իշխանութեան ազդեցութիւնը կտրելու. զի այնու
հետեւ լիբքը աւելի համարձակութիւն գտնելով կիշխէ բա-
րոյապէս. իշխանութիւնը կը լինի խաղալիկ նորա կամաց,
կը քաջալերուն այնուհետեւ չարերը և կը վհատին լա-
ւերը: Մի՞թէ անիշխանութեան հետեւանք չեն ամեն ան-
յաջողութիւնք և անկարգութիւնք. ո՞ւր է մի բարձր հե-
ղինակութիւն, որ մի օգտակար որոշումն անվրէպ գործա-
դրել տալու ձեռնհանութիւն ունենար: Ամօթալի ճշմար-
տութիւն է խոստովանելը թէ — չը կայ: Արթ է կը կարծուի,
որ — հրաման, պատուէր, կանոն, ծրագիր, հրահանգ և

օրէնք հրատարակելով միայն օգուտ կը լինի, զա շատ սխալ է: Առանց ներգործող արթուն հսկողութեան, առանց անձամբ օրինակ տալու օրինապահութեան, այդ ամենը անգոր և աննշան բաներ, ծաղու և հեգնութեան առարկայներ կը դառնան: Աթէ մէկը — ինչ աստիճանէ կուզէ լինի — չը պահեր Աստուծոյ օրէնքը և իրմէ վերագոյնի օգտակար պատուէրները, եթէ մէկը յարգութեամբ չը կատարեր՝ լաւութիւնն ու օգուտը փորձով հաստատուած և հնութեամբ նուիրագործեալ եկեղեցւոյ, շայրենեաց և Ազգային օրէնքները, նա ի՞նչ երաշխաւորութիւն ունի որ ու անգոր օրէնքներ պահելու: Աթէ ժողովրդեան իշխանները — աշխարհական թէ եկեղեցական — անձամբ օրինակ չեն տար օրինապահութեան, ի՞նչպէս կը յուսան որ պիտի գործադրուին իրենց դրածները, որ շատ անգամ անօգուտ և անյարմար են մինը միւսին հակասական, ինքեանք իսկ չեն կարող գործադրութիւնը պնդել, և ահա այն վայրկենին կը տկարանայ իրենց իշխանութեան ազդեցութիւնը: Օրէնք անգործադրելի են, երբ վստահութեան արժանի բարձրագոյն հեղինակութենէ չեն գար և վարձք ու պատիժ չունին, իսկ երբ անիրաւ է վարձուց և պատժոց բաշխումը և օրէնագիրք կամ հսկողք աչառութիւն և անհոգութիւն կանեն, այն ասան արդէն օրէնքը մեռած է և ժողովուրդը վտանգուած:

Չենք զիտեր թէ այս մասին ինչ կը խորհին օրէնագիրք, իշխանք, դէտք, տեսուչք և առաջնորդք ժողովրդեան, երբ իրենք իսկ օրինազանց և անհաւատարիմ կը գտնուին, եթէ միայն իրենց անունն ու փառքը բաւական կը սեպին ժողովուրդ կառավարելու և բարեկարգութիւն հաստատ պահելու, շատ կը սխալին, զի այդու միայն առօրեայ շարունակ և ժամանակաւոր ակնածութիւն կարող են ազդել:

իսկ դործով և արդեամբ յարասե կը պահեն ժողովուրդի մէջ հիացումը, երախտագիտութիւնը և հնազանդութիւնը:

Իշխանին յատկութիւնն է ընդհանուր սէրը իւր բովանդակ սուրբ նշանակութեամբ, պարտաւորութիւնն է արդարութեան անաչառ գործադրութիւնը, որով բարեկարգութիւն ու խաղաղութիւնը կը յաջողի և կը մնայ տեւական, առանց որոյ փշրուած է իշխանութեան գաւազանը խարխուլ է նորա գահը և մօտ է կործանումը:

Ազգ մի պարտաւոր է իւր գործիչներու յատկութիւնն ու յարմարութիւնը ճանչնայ և խոհեմութեամբ ընտրէ ու պաշտօնի կոչէ. յետոյ սիրով հնազանդի նմա, գործակցի հաւատարմութեամբ իւր պարտաւորութիւնները կատարելով:

Յարմար պաշտօնեայներ չընտրելով սխալել՝ անմտութիւն է. պատճառանօք և ցած նկատումներով անկարողներն ընտրել և յետոյ խայտառակել, նենգութիւն և վատութիւն է: Բնտրել և փոխադարձ պարտականութիւնները չը կատարել, յատուկ թշնամութիւն է, դիտմամբ ամեն լաւութեանց յառաջանալուն խափանիչ լինել է. հետեւաբար և ազգութիւնը ինքնին կործանել կը նշանակէ:

Մեր Ազգը չունի ազդեցիկ իշխանութիւն, մեր իշխանութիւնք չունին պարտակատար հնազանդ հետեւողք, կարելի է ասել—հրամայող շատ, հնազանդող—չիք. խօսող շատ, գործող—քիչ:—Այս դրութեան մէջ Ազգ չապրիւ. Ազգայնութիւն չի գոյանար և ճշմարիտ յառաջադիմութիւն չի լինիր...:

Ե.

Իմ ներքին համոզումս և հաւատքս:

Մեր այս բոլոր սխալներովն ու անկարգ անկանոն ընթացքով տակաւին Ազգայնութիւն և յառաջագիմնութիւն յուսարու ակարմտութիւնն ունինք: Մեք ցոյց տուինք ահա, որ ամբողջ Ազգը, եկեղեցականով և աշխարհականով խտտորնակ ճանապարհով կը դիմեմք դէպի կորուստ. մեր նոր սիրունդը իւր կրթութիւնը կընդունի օտար, զանազան և միմեանց ներհակ ազբիւրներէ. — Ասացինք, որ մեք չունիմք մի կեդրոն մի ներգործող մարմին, որ կարողանայ այս ամեն տարաձայն, օտար և կործանիչ միտումներն ուղղել, միաւորել և հաստատել, բայ՛ի Ազգային եկեղեցիէն և լեզուէն, — միևնոյն ժամանակ ակնարկեցինք թէ, օտարին շահուն ծառայող ազգագաւ մատնիչներ ազգասիրութեան պատրուակին տակ ամեն հնարք կը գործածեն — Ազգին այդ վերջին յոյսն ու յենարանն ալ կործանալու և ունայնացնելու, Ազգը հիմնովին բաժանելու և տապալելու. — Ասացինք որ մեր այս օրուայ ծնողք բողոքովին երեսէ թողած են իրենց զաւակաց կրթութիւնը, նոքա կը կարծեն թէ զաւակաց անսանձ հաճոյքը կատարելով, նոցա համար անխորհրդաբար մեծագումար փող մխտելով, անսպառ կարծուած ժառանգութիւն թողլով, իրենց պարտքը կատարած կը լինին, ուստի հանդիսա իրենց զուարճութեանց և ցանկութեանց կըբաղին. բայց չեն զիտեր, որ այդու զաւակին իրենց ձեռքը կը փձացնեն և նորա ապագայն կը թշուառացնեն. — Աւերջապէս թէպէտ կարճ, բայց կար-

Տեմ աստղինք ինչ որ գլխաւորապէս կը շփոթէ և կը խանգարէ ամեն ուղղութիւն, այժմ կը հարցանեմք. — Այս կերպով յուսալի՞ է ազգային յառաջադիմութիւն. — կէս դարէ աւելի փորձով իմ ներքին համոզումն կառն — ոչ :

Բովանդակելով կրկինեք մեր աւսածները: Մեք վերև աւարկեցինք թէ, — նախ Ա՛զդբ պատրաստելու է, որ եկեղեցական տայ թէ եկեղեցական պատրաստելու է, որ Ազգը բարեկարգէ և կազմակերպէ: — Բայց այս հարցը այնքան փոխադարձ է, որ միակողմանի վճռել անկարելի է, քանի որ եկեղեցականութիւնը ազգէն կը գոյանայ և քանի որ նորա կարևոր անդամն է: Այսու ամենայնիւ մեր խօսքի կարգին մէջ բաւական հաստատեցինք, թէ — կրթական գործին մէջ եկեղեցակա նութիւնը մեծ ու ծանր պաշտօն և պարտք ունի, հասկանալի է ուրեմն, թէ — Առ այժմ արժանաւոր եկեղեցականներ պէտք են, և թէ նոցա ընտրութեան մէջ մեծ զգուշութիւն հարկաւոր է: — Արդ՝ քանի որ այս ընտրութիւնը ժողովրդեան սուրբ և անբռնաբարելի իրաւունքն է, ուրեմն բոլոր զեղծմանց ու չարեաց պատճառ և պատասխանատու ինքն — ժողովուրդը — կը լինի, երբ զգուշաւոր և խոհական ընտրութիւն չաներ, երբ անձնընտիր խաբեբայներու կը խաբուի և նոցա անցուցած կեանքին վրայ նախապէս զգուշաւոր քննութիւն չաներ, կամ թէ երբ իւր չը ճանչցած եկեղեցականը բռնապատեալ ընդունելով՝ իւր նուիրական իրաւունքը բռնաբարուած կը տեսնէ և չը պաշտպաներ, երբ ուրիշ կողմերէ կամ իշխանութենէն իրաւացի օգտակար զիտողութիւններ կը լսէ, բայց չանսար և կամապաշտութեամբ հակառակելով իւր սխալ ընտրութիւնը հաստատաւ կը պնդէ: Այր — կասեմք, ժողովուրդը տէր չէ իւր իրաւանց և երկիւղածութեամբ ու ճշդիւ չը կատարեր իւր պարտքը, նա պատճառ կը դառնայ ամեն զեղծմանց:

Այբ խմբագիրք, հեղինակք և հրատարակիւոսք իրենք զիրենք հասարակաց ձայնը կարծիքը, երբեմն ալ գաղափարաց ուղղութիւն տուող կը համարին, և սակայն շատ անգամ ննդաւորաց տեղ տալով, սուա ու սխալ գաղափարներ կը տարածեն, երբ կամ շահադիտութեամբ կամ սղիտութեամբ և կամ չար ու ձախող նպատակաւ ազգամիլաս և բարուց ապականիչ զեղծումներ կը սերմանեն, երբ կը պաշտպանեն կը գովեն և արժանաւոր կը ներկայացնեն եկեղեցականութեան կամ որ և է ազգային պաշտօնի այնպիսի անձնաւորութիւններ, որ իրօք անարժան են և անկարող, յետոյ կը պարտաւեն և կանպատուեն, այդու նոքա կը խափանեն բարեկարգութիւնը, կը վնասին Ազգին և պարզապէս թշնամութիւն արած կը լինին:

Այբ եկեղեցականութիւնը մուսացած իւր կոչումն ու պարագը, կը կոչէ և կը ձեռնադրէ այնպիսիներ, որք չունին ոչ ինչ արժանաւորութիւն և պատրաստակամութիւն առ այն, թէ ոչխարաց փարսխէն առնու զանոնք, թէ արհեստաւորի խանութէն, թէ ուսումնարանէն և համալսարանէն, երբ կոչէ զանոնք առանց ընտրութեան և քննութեան. առանց հասու լինելու նոցա վարուց և բարուց որպիսութեան, առանց կարծեացն ու գաղափարաց, կրօնական համոզմանց ու հմտութեանց և առանց պարտականութեանցը վերայ ստոյգ ծանօթութիւն ունենալու. երբ կընդունի զանոնք այդ խիստ զգուշալի պաշտօնին մէջ առանց ամեն կերպով յարմարութիւնն ու անյարմարութիւնը նայելու և այնուհետեւ չէ՞ կարող կամ չը կամիր ոչ բուժել ոչ ալ կտրել մէկզի հանել իւր մէջէն անդոյժ, նեխած, փտած մահաբեր անդամները և չէ՞ կարող կոչել նոցա տեղ առողջ ու գործունեայ անդամներ, երբ ընդհանուր ժողովրդին մէջ Աստուծոյ խօսքը լսելու սովը կը

տիրէ, ճշմարիտ ճշմարիտ կասեմ, որ ոչ բարեկարգութիւն ոչ ալ ճշմարիտ յառաջադիմութիւն կարելի է սպասել:

Արբ ւարք զբաղուած են արտաքին ու ներքին ծանր հոգսերով, ժամանակի զեղծմանց հնարած անօգուտ աւելորդ ու կենսամաշ պէտքեր հոգալով, երբ անձնատուր են զեղիութեան շուայտութեան և զգայական չափազանց զուարճութեանց, կը մնին ունայնութեանց և կը զլանան կարևորութեանց, մի բիչ միջոց իրենց զաւակներու կրթութեամբն զբաղելու ժամանակ չունին, երբ մարք անձնատուր են պշրանաց, կործանիչ նորասիրութեանց մոլութեանց և ցուցամոլութեան անաւեր հաճոյից, երբ զաւակաց սնունդը, կրթութիւնը դաստիարակութիւնը իրենց փափուկ հասակէն յանձնուած է վնասակար ձեռքերու և օտարի հաճոյից, այդ յուսալի սիրուն էակները, այդ քնքուշ անմեղ հոգիները մասնուած են շատ անգամ մոլի, անկիրթ, օտար սանտուներու, սպասուհիներու, ծառայներու և կեղծաւոր շահամոլ ապիկար դաստիարակներու, երբ ծնողք և եկեղեցականք, կնքահարք և ազգականք, ուսուցիչք և դաստիարակք միաբան հաճութեամբ կը զործեն օտարաց նմանելու նոցա վնասակար և կործանիչ սովորութեանց յարմարելու, ասացէք խնդրեմ,—կարելի՞ է յուսալ ազգայնութիւն և յառաջադիմութիւն.—Մտուզիւ ո՛չ:

Արբ մեր ներկայ սերունդը, արու և էգ, կուսանին, կը կրթուին կը պատրաստուին, հակառակ ազգային պահանջմանց հակառակ իրենց կոչման և բուն կենսական պէտքերի պահանջմանց, եբբ բուն իսկ ուսանողական զգուշալի և արդիւնաբեր շրջանին մէջ կուսանին ամեն մոլութիւն և մոլորութիւն, դուրս կը գան կամապաշտ, շողակրատ, ատեցող արուեստից և աշխատանաց, երբ օրէցօր դատարկաշրջիկ, մնխող խաբեբայներ, եկեղեցական

և աշխարհական, կը շատնան, ինչպէս կարելի է յուսալ բարեկարգութիւն և յառաջադիմութիւն:

Այլ Գայրեր չունենք և Ազգիկները շին պատրաստուիր Գայրութեան, երբ ունայնասիրութիւնը, ցուցանողութիւնը, քմահաճութիւնը, ուսում և կրթութիւն կը համարուին շատ անդեր, երբ նորա թուուցիկ շնչին զաղափարներով կը սնանին, երբ պճնասիրութեամբ և ձեւաւոր երեւելու սին ու ամօթալի խոր չըզով սեղմիչ մեքենայներու մէջ կը կաշկանդուին, սննդական ու ծննդական գործարաններնին կը խանգարեն, երբ շպարով, թիւնաւոր ներկերով ու փոշիներով մարմիննին ու արիւննին կ'ապականեն ու վատառողջ զաւակներ կըտան Ազգին, շատերն ալ որդեծնութիւնին իսկ կը կորսնցնեն, երբ հեշտատէր մայրեր, թողած իրենց որդեց կրթութեան հաճոյական ու մխիթարական գործը, անտեսութիւնը ամուսնասիրութիւնը և որդեասիրութիւնը, երբ զաւակ ծնանիլն ու սնուցանելը, որ Մօրմբ փառքն ու պատիւը և միակ օրինաւոր պարծանքն է, կարհամարհեն և ծանր բեռն կը համարին, երբ Այր ու կին շեղուած մարդկային կոչումէն, արարչութեան նպատակէն, կը դիմեն սիրով անպողոթեան և կորստեան զերկը, իրենք կը առեփեն այդու իւրեանց ճշմարիտ ուրախութիւնն ու մխիթարութիւնը, Ազգն ու մարդկութիւնն ալ կը կորսնցնեն իրենց օգտակար անդամները և կը խափանուի Արարչութեան խորհուրդն ու նպատակը:— Այս կերպով Ազգ չը կանգնիր, այլ կանգուն ազգ մի կործանելու համար ասկէ աւելի դիւրին հնարք չըկայ: Ինչպէս որ մի ժառանգ, գէշ կրթութիւն առնելով՝ կարող է քնդունայն մխտողութեամբ իւր շօրն անբաւ ճոխութիւնը փճացնել, հաստատուած հայրենի տունը կործանել, ինքն ազբատութեան և հիւանդութեան մասնուելով տարաժամ մեռնել, այսպէս կը

լինի և Ազգ մի, երբ ուղիղ կրթութիւն չստանալով կը մտնէ կը փձացնէ իւր գոյութեան տարրը:

Արբ կրթութեան գործը կը յանձնուի անձեռնհաս, շահամոլ և սնասպարծ պաշտօնեաներու, անժուժկալ, կրից անձնատուր և բարոյական օրինաց անտեղեակ մարդկան. երբ հասնողը կը լինի անխաիր վարժապետ, դաստիարակ, տեսուչ, տնօրէն, քահանայ և վարդապետ. — անկարելի է յառաջադիմութիւն սպասել:

Քանի որ մեք, մեր իշխանները, գործիչները, պաշտօնեայները — եկեղեցական կամ աշխարհական կրնտրեմք այլոց ազդեցութեամբ, ոչ թէ նոյն պաշտօնին յարմարութիւն ունենալուն համար, այլ այս կամ այն գործին մէջ յաջողակ լինելուն համար, կը կարծեմք թէ ամեն գործի մէջ ալ յաջողակ կը լինի. չեմք գիտեր յատկութիւն ճանչնալ և ըստ այնմ գործածելով օգտուիլ. յետոյ կը փնասեմք թէ մեզ, թէ նոյն անձին և թէ բուն իսկ պաշտօնին: Մեք կրնտրեմք մի իշխան կամ պաշտօնեայ, ոչ այն նպատակաւ, որ Ազգին ծառայէ, այլ որպէս զի մեր գլխէն հեռանայ, որպէս զի նորա փառասէր ցանկութիւնները գոհացնեմք, որպէս զի այլոց հաճոյանամք, որպէս զի մասնաւոր շահեր չը կորսնցնենք — հոգ չէ որ ընդհանուրը փնասուի. — մեք կրնտրեմք վերջապէս մեր պաշտօնեայքը կամ ծերութեանը համար և կամ նոցա նիւթական շահուն և ապահովութեան համար: Իսկ յետ ընտրութեան աչքերնիս ոչ թէ չորս, այլ քառասուն կը բանամք, կը սկիւմք ամենամանր պակասութիւնները խոշոր ատենել, ոչ միայն ներկայն, այլ և անցեալ կեանքը նոր կ'սկսեմք քննել միայն վատ կողմերէն, կը մոռանամք օգտակար ծառայութիւնները, ապագայ չարիքներն ալ կը գուշակեմք, կանպատուեմք և կը հեռացնեմք պաշտօնէն ամենայն խայտառակութեամբ. կը կոր-

Ճանեմք իշխանն ալ իշխանութիւնն ալ, չեմք տեսներ ու խնայեր ազգութեան պատիւը, և յազթանակը տարած կը համարեմք, մինչդեռ իրօք յազթուած կը լինիմք, զի կը կորսնցնեմք ամեն բան:

Եթէ դիպուածով բաղբաւոր գտնուիմք և մի խոհեմ գործունեայ ազգասէր իշխանի ընտրութեանն արժանանանք, սակայն զայն ալ կը շփոթենք, ամեն մարդ կ'սկսի խելքին փչած առաջարկութիւններն անել, ուղղութիւններ տալ, նորա արդէն կազմած ուղղութիւնները խանգարել, շփոթել, իշխանին վերայ պատգամներ և հրահաններ կը տեղան, հրահանդներ և խորհուրդներ կը տան միմեանց հակառակ: Եթէ ոմանց ասածը չը կատարէ, նոքա կը թշնամանան, գաղտնի կամ յայտնի կը վատաբանեն, որոգայթ կը լարին, մինչև կործանեն. եթէ ոմանց ասածը կատարէ և օգտակար լինի, նոքա կ'սկսին պարծենալ աստ և անդ, իրենք զիրենք ուշիմ, իսկ իշխանը անմիտ կը հռչակեն, մինչև անգամ անամօթ անտպարծութեամբ կը հրատարակեն ալ, թէ—Այդ խորհուրդը ես տուի, այդ գաղափարը ես յայտնեցի, ես առաջարկեցի, այսպէս ու այնպէս ասացի, և այլն.—տղայակա՛ն անտպարծութիւն: Արբեմն առանձնախօսութիւնները հրապարակ կը հանեն, երբեմն ալ բնաւ չը խօսուած ու չեղած բաները իբր խօսուած ու եղած կը հրատարակեն. իսկ երբ գործը վատ հեռեանք ունենայ, այն ատեն բոլոր յանցանքը գործադրողին վրայ կը ծանրացնեն և այսպէս ամեն բան կը մասնեն խառնակութեան, խափան կը լինեն գործոց ընթացքին և կը վհատեցնեն գործողը. Ազգին բարեքը կը կորսնցնեն, իրենց ձեռօք Ազգայնութեան հիմունքը կը փորեն. շինելու տեղ կը քանդեն և յիմարաբար օտարներէն օգնութիւն կը յուսան. առանց խորհելու, որ օտարին օգնութիւնը իրենց վնասն ու

կորուսան է, մանաւանդ երբ մեք մեզ վնասակար եմք, ուրիշներէն ի՞նչ օգուտ կրնամք յուսալ:

Ա երջին խօսք. — Այրբ որ մեք կրնարեմք մեր եկեղեցականները յարմարութիւնին քաջ զիտնալով, խոհեմութեամբ և ըստ օրինաց եկեղեցւոյ, երբ եկեղեցականք կը վարեն իրենց պաշտօնը խղճի մտօք ըստ Աստուծոյ. իսկ հակառակ դէպքի մէջ օրինաւորապէս կը մերժուին ձեռնհաս իշխանութեան կողմէն և ոչ թէ գռեհկաբար:

— Այրբ մեք կրնարեմք, եկեղեցական թէ աշխարհական իշխանները խորհրդով, զգուշութեամբ և շրջահայեցութեամբ, նոյնպէս և բոլոր ազգային պաշտօնեայներն ու գործիչները, լաւին ու վատին մէջ տարբերութիւն կը դնենք, նոցա հետ պարտ ու պատշաճ յարգանք կը վարուիմք, բարձր ու արժանաւոր դրից մէջ կը պահեմք, և երբ պաշտօնակալք և գործողք չեն զեղծանիր իրենց իշխանութեամբ, այլ ողջմտութեամբ անխտփան կը կատարեն իրենց պարտականութիւնը. անաշատ արդարութեամբ կը բաշխեն վարձք և պատիւ:

— Այրբ ուսումնասիրողներն առ հասարակ ազգային ուղղութիւն կը ստանան և կը թուրթիւնը ուղիղ բարոյականութեան վերայ կը հիմնուի, ուսումը ազգային շահերուն կը յարմարցուի և դրութիւնները կը միանան:

— Այրբ ճշմարիտ Հայրեր ու Մայրեր կը պատրաստուին և ոչ թէ գուսաններ:

— Այրբ արհեստը ճարտարութիւնը և ճշմարիտ գիտութիւնը միայն կը սիրուի ու քաջալերութիւն ստանալով բազմաթիւ հետեողներ կունենայ:

— Այրբ եկեղացակտն և աշխարհական ձեռք ձեռքի տուած միաբան միակամ, սիրով և յօժարութեամբ Ազգին

Ճշմարիտ օգտին կաշխատին, կը ծառայեն Ազգին շահուն.
երբ ամեն մարդ սուրբ մտօք կը կատարէ իւր պարտքը,
այն ատեն, և միայն այն ատեն կը հաւատամ, որ Ազգ-
այնութիւնը կը կազմակերպի և Ազգը կը յառաջագիւմե-
մենայն բարեկարգութեամբ:— Այս է իմ հաւատք և ներ-
քին համոզումը:

Ա. Ա. Գ. Գ. Գ.

1882 Սեպ. 1.
Է. Մ. Բեթրպուրգ:



